





百官志一第二十四

後漢書二十四

太傅  
司空

太尉  
將軍

司徒

梁劉昭注補

司馬  
司空

漢之初興承繼大亂兵不及戢法度草創略依秦制後嗣因循至景帝感吳楚之難始抑損諸侯王及至武帝多所改作然而奢廣民用匱乏世祖中興務從節約并官省職費減億計所以補復殘缺及身未改而四海從風中國安樂者也昔周公作周官分職著明法度相持王室雖微猶能久存今其遺書所以觀周室牧民之德既至又其有益來事之範殆未有所窮也故新汲令王隆作

小學漢官篇諸文個說較略不究

案胡廣注隆此篇其論之注曰前安帝時越騎

校尉劉千秋校書東觀好事者樊長孫與書曰漢家禮儀叔孫通等所草創皆隨律令在理官藏於八閣無記錄者久令二代之業闇而不彰誠宜

撰次依擬周禮定位分職各有條序令人無愚智入朝不惑君以公族元老正丁其任焉可以已劉君甚然其言與邑子通人郎中張平子參議未定而

劉君遷為宗正衛尉平子為尚書郎太史令各務其職未暇恤也至順帝時平子為侍中典校書方作周官解說乃欲以漢次述漢事會復遷河間

相遂莫能立也述作之功獨不易矣既感斯言願見故新汲令王文山小學為漢官篇略道公卿內外之職旁及四夷博物條暢多所發明足以知舊制

儀品蓋法有成易而道有因革是以聊集所宜為作詁解各隨其下唯綴續後事令世施行庶明厥旨廣前後憤盈之念增助來哲多聞之覽焉唯

班固著百官公卿表記漢承秦置官本末訖于

王莽差有條貫然皆孝武奢廣之事又職分未

悉世祖節約之制宜為常憲故依其官簿麤注

職分以為百官志

臣昭曰本志既久是注曰百官簿今昭又采異同俱為細字如或相冒兼應注本注尤須

分顯故凡是舊注通為大書稱本注曰以表其異

凡置官之本及中興所省無因復

見者既在漢書百官表不復悉載

太傅上公一人

大戴記曰傅傅之德義也應劭漢官儀曰傅者覆也賈生曰天子不喻於先聖之德不知君民之道不見

禮義之正詩書無宗學業不法此太師之責也古者齊太公職之天子不惠于庶民不禮于大臣不中于折獄無經于百官不哀于喪不敬于

祭不戒于齋不信于事此太傅之責也古者周公職之天子處位不端受業不敬言語不敘音聲不中進退升降不以禮俯仰周旋無節此太保之

責也古者燕召公職之天子燕業及其學左右之習詭其師答諸侯遇大

臣不知文雅之辭言語之道簡聞少誦不博不習此少師之責也天子居處

出入不以禮衣服冠帶不以制御器列側不以度采服從好不以章忽悅不以

義與奪不以節此少傅之責也天子居處燕私安而易樂而耽飲食不時

醉飽不節寢起早宴無常玩好器弄無制此少保之責也此古天子自輔弼之禮也自為天子而賢智維之故能慮無失計舉無過事終身得中  
本注曰掌以善道守無常職世祖以卓茂為太傅  
薨因省其後每帝初即位輒置太傅錄尚書事

薨輒省

胡廣注曰猶古冢宰總己之義也案靈帝之初以陳蕃為太傅蕃誅以胡廣代始不止一人也董卓在長安又自尊為太師位在太傅上應劭漢官儀曰太師古官也平帝元年孔光以太傅見授詔太師無朝十日賜餐賜靈壽杖省中施坐置几太師入省中用杖自是而闕又漢官云太傅長史一人秩千石掾屬二十四人令史御屬二十二人荀綽晉百官表注曰漢太傅置掾屬十人御屬一人令史十二人置長

史與漢異

太尉公一人

應劭曰自上安下曰尉武官悉以為稱前書曰秦官鄭玄注月令亦曰秦官尚書中候云舜為太尉東晉據非秦

官以此追難玄馬臣昭曰緯侯眾書宗貴神詭出沒隱顯動挾怪誕該數陰陽激迎起伏或有先徵時能後驗故守寄構思雜稱曉輔通儒達好時略文帶公輸益州具於張衡之詰無口漢輔炳乎尹敏之諷圖讖紛為其俗多矣太尉官實司天虞舜作宰璇衡賦政將是據後位以書前非唐官之實號乎太尉所職即舜所掌遂以同掌追稱太尉乃中候之安蓋非官之為謬康成淵博自注中候裁及注禮而忘舜位豈其實哉此是不發譏於中候而正之於月令也廣微之誦未探碩意說苑曰當堯之時舜為司徒新論曰昔堯試于大麓者領錄天子事如今尚書官矣古史考曰舜居百揆總領百事說者以百揆堯初別置於周更名冢宰斯其然矣 本注曰掌四方兵事功課

歲盡即奏其殿最而行賞罰凡郊祀之事掌

亞獻大喪則告諡南郊凡國有大造大疑則與

司徒司空通而論之國有過事則與二公通諫

爭之世祖即位為大司馬

漢官儀曰元狩六年罷太尉法周置司馬時議者以為漢軍有官候于

人司馬故加大為大司馬所以別異大小司馬之號

建武二十七年改為太尉

蔡質漢儀曰府開闕

王莽初起大司馬後篡盜神器故遂貶去其闕漢官儀曰張衡云明帝更司馬司空府欲復更大尉府時公趙熹也西曹掾安眾鄭均素好名節以為朝廷新造北宮整飭官寺早愆為虐民不堪命曾無殷湯六事周宣雲漢之辭今府本館陶公主第舍員職既少自足相容熹表陳之即聽許其冬臨辟雍歷二府見皆壯麗而太尉府獨卑陋顯宗東顧歎息曰推牛縱酒勿令乞兒為宰時熹子世為侍中驂乘歸具白之熹以為恨頗譴責均均自劾去道發病亡古今注曰永平十五年更作太尉司徒司空府開陽城門內與此不同臣昭案劉虞為大司馬而與太尉竝置焉 長史

一人千石

盧植禮注曰如周小宰

本注曰署諸曹事掾史屬二

十四人本注曰漢舊注東西曹掾比四百石餘掾比三百石屬比二百石故曰公府掾比古元士三命者也或曰漢初掾史辟皆上言之故有秩比命士其所不言則為百石屬其後皆自辟除故通為百石云漢書音義曰正西曹主府史署用東曹主二千石長吏遷除及軍吏戶曹主民戶祠祀農桑奏曹主奏議事辭曹主辭訟事法曹主郵驛科程事尉曹主卒徒轉運事賊曹主盜賊事決曹主罪法事兵曹主兵事金曹主貨幣鹽鐵事倉曹主倉穀事黃閣主簿錄省眾事應劭漢官儀曰世祖詔方

今選舉賢佞朱紫錯用丞相故事四科取士一曰德行高妙志節清白二曰學通行修經中博士三曰明達法令足以決疑皆案章覆問文中御史四曰剛毅多畧遭事不惑明足以決才任三輔令皆有孝悌廉公之行自今以後審四科辟召及刺史二千石察茂才尤異孝廉之吏務盡實覈選擇英俊後賢行廉潔平端於縣邑務受試以職有非其人臨計過署不便習官事書疏不端正不如詔書有司奏罪名并正舉者又舊河隄謁者世祖改以三府掾屬為謁者領之遷超御史中丞刺史或為小郡監察黎陽謁者世祖以幽并州兵騎定天下故於黎陽立營以謁者監之兵騎千人復除甚重謁者任輕多放情態順帝改用公解府掾有清名威重者遷超牧守焉漢官目錄曰建武十二年八月乙未詔書三公舉茂才各一人廉吏各二人光祿歲舉茂才四行各一人察廉吏三人中二千石歲察廉吏各一人廷尉大司農各二人將兵將軍歲察廉吏各二人監察御史司隸州牧歲舉茂才各一人  
令史及御屬二十三人本注曰漢舊注公令史百石自中興以後注不說石數御屬主為公御荀綽晉百官表注曰御屬如錄事也問下令史主問下威儀事記室令史主上章表報書記門令史主府門其餘令史

各典曹文書

應劭漢官儀有官騎三十人

司徒公一人

孔安國曰主徒衆教以禮義

本注曰掌人民事凡教民孝

悌遜順謙讓養生送死之事則議其制建其度

凡四方民事功課歲盡則奏其殿最而行賞罰凡

郊祀之事掌省牲視濯大喪則掌奉安梓宮凡國

有大疑大事與太尉同世祖即位為大司徒

漢官儀曰王莽時議

以漢無司徒官故定三公之號曰大司徒大司空世祖即位因而不改蔡質漢儀曰司徒府與蒼龍闕對厭於尊者不敢號府應劭曰此不然

丞相舊位在長安時府有四出門隨時聽事明帝本欲依之迫於大尉司空但為東西門耳國每有大議天子車駕親幸其殿殿西王侯以下更衣併存每歲州郡聽採長吏臧否民所疾苦還條奏之是為之舉謠言者

也頃者舉謠言者掾屬今史都會殿上主者大言某州郡行狀云何善者同聲稱之不善者各爾銜枚大較皆取無名勢其中或有愛憎微裁黜陟

之闇昧也若乃中山祝恬踐周名之列當軸處中忘塞諤之節憚首尾之譏

懸囊捉撮無能清澄其與申屠須責鄧通王嘉封還詔書邈矣乎周禮有外朝于寶注曰禮司徒府中有百官朝會殿天子與丞相決大事是外朝之

者建武二十七年去大

漢舊儀曰哀帝元壽二年以丞相為大司徒郡國守長史上計事竟遣公出庭上

親問百姓所疾苦記室掾史一人大音讀勅畢遣勅曰詔書殿下禁吏無苛暴丞史歸告二千石順民所疾苦急去殘賊審擇良吏無任苛刻治獄決

訟務得其中明詔憂百姓困于衣食二千石帥勸農桑思稱厚恩有以賑贍之無煩撓奪民時今日公卿以下務飭儉恪者侈過制度以益甚二千石

身帥有以化之民冗食者請諭以法養視疾病致醫藥務治之詔書無飾厨養食至今未變又更過度甚不稱歸告二千石務省約如法且案不

改者長吏以聞官寺鄉亭漏敗牆垣地壞不治無辨護者不勝任先自劾不應法歸告二千石聽十年更名相國案獻帝初董卓自太尉進

為相國而司徒不省及建安末曹公為丞相都慮為御史大夫則罷三公官荀綽晉百官表注曰漢丞相府門無闌不設鈴不警鼓言其深

大闊遠無節限也長史一人千石掾屬三十一人漢官目錄曰三十人令史

及御屬三十六人本注曰世祖即位以武帝故事置

司直居丞相府助督錄諸州建武十八年省也帝獻

起居注曰建安八年十二月復置司直不屬司徒掌督中都官不領諸州九年十二月詔司直比司隸校尉坐同席在上假傳置從事三人書佐四人

司空公一人馬融曰掌營城郭本注曰掌水土事凡營城

起邑浚溝洫修墳防之事則議其利建其功凡四

方水土功課歲盡則奏其殿最而行賞罰凡郊祀

之事掌掃除樂器大喪則掌將校復土凡國有大

造大疑諫爭與太尉同韓詩外傳曰三公之得者何曰司馬司

人故陰陽不和四時不節星辰失度災變非常則責之司馬山陵崩地川

谷不通五穀不植艸木不茂則責之司空君臣不正人道不和國多盜賊

民怨其上則責之司徒故三公典其職憂世祖即位為大司空

其分舉其辨明其得此之謂三公之事應劭漢官儀曰綏和元年罷御史大夫官法周制初置司空議者建

又以縣道官獄司空故覆加大為大司空亦所以別大小之文

武二十七年去大漢舊儀曰御史大夫勅上計丞長史曰詔書殿

蒙恩被化守長史到郡與二千石同力為民興利除害務有以安之稱詔

書郡國有茂才不顯者言殘民貪汚煩擾之吏百姓所苦務勿任用方察

不稱者刑罰務於得中惡惡止其身選舉民後過度務有以化之問今歲善

惡孰與往年對上問今年盜賊孰與往年得無有羣輩大賊對上臣昭

案獻帝建安十三年又罷司空置御史大夫御史大夫都慮慮免不屬

得補荀綽晉百官表注曰獻帝置御史大夫職如司空不領侍御史長史一人千石掾屬二十九人漢書目錄云令史及御

屬四十二人

將軍不常置本注曰掌征伐背叛比公者四第一

大將軍次驃騎將軍次車騎將軍次衛將軍又

有前後左右將軍蔡質漢儀曰漢興置大將軍驃騎位次丞相京師兵衛初武帝以衛青數征伐有功以為大將軍

欲尊寵之以古尊官唯有三公皆將軍始自秦晉  
以為卿號故置大司馬官號以冠之其後霍光王  
鳳等皆然成帝綏和元年賜大司馬印綬罷將軍  
官世祖中興吳漢以大將軍為大司馬景丹為驃騎  
大將軍位在公下及前後左右雜號將軍眾多皆  
主征伐事訖皆罷魏畧曰曹公置都護軍中尉置護軍將軍亦皆比二千石旋軍並止罷明帝  
初即位以弟東平王蒼有賢才以為驃騎將軍以  
王故位在公上數年後罷章帝即位西羌反故以  
舅馬防行車騎將軍征之還後罷和帝即位以  
舅竇憲為車騎將軍征匈奴位在公下還復有

功遷大將軍位在公上復征西羌還免官罷安帝  
即位西羌寇亂復以舅鄧騭為車騎將軍征之還  
遷大將軍位如憲數年復罷自安帝政治衰缺始  
以嫡舅耿寶為大將軍常在京都順帝即位又以  
皇后父兄弟相繼為大將軍如三公焉梁冀別傳曰元嘉二年又加冀禮

儀大將軍朝到端門若龍門謁者將引增掾屬舍人令史官騎鼓吹各十人長史司馬皆一人千石  
東觀書曰竇憲作大將軍置長史司馬員吏官屬位次太傅本注曰司馬主兵如太尉從

事中郎二人六百石本注曰職參謀議東觀書曰大將軍出征置中護軍一

人掾屬二十九人案本傳東平王作驃騎掾史四十八人令史及御屬三十一

人本注曰此皆府員職也又賜官騎二十人及鼓吹



應劭漢官儀曰鼓吹二十人非常員舍人十人其領軍皆有部曲大將軍營五部部校尉一人比二千石軍司馬一人比千石部下有曲曲有軍候一人比六百石曲下有屯屯長一人比二百石其不置校尉部但軍司馬一人又有軍假司馬假候皆為副貳其別營領屬為別部司馬其兵多少各隨時宜門有門候其餘將軍置以征伐無員職亦有部曲司馬軍候以領兵其職吏部集各一人總知營事兵曹掾史主兵器械稟假掾史主稟假禁司又置外刺刺姦主罪法明帝初置度遼將軍以衛南單于眾新降有二心者後數有

不安遂為常守

應劭漢官儀曰度遼將軍孝武皇帝初用范明友明帝十八年行度遼將軍事安帝元初元年

置真銀印青綬秩二千石長史司馬六百石東觀書云司馬二人

百官志一第二十四

後漢書二十四

百官志二第二十五

後漢書二十五

太常  
太僕

光祿勳  
廷尉

衛尉  
大鴻臚

梁劉昭注補

太常卿一人中二千石

盧植禮注曰  
如大樂正

本注曰掌禮儀祭

祀每祭祀先奏其禮儀及行事常替天子

漢舊儀  
曰替養

一人秩六百  
石掌替天子

每選試博士奏其能否大射養老大喪

皆奏其禮儀每月前晦察行陵廟

漢官曰員吏八十五  
人其十二人四科十

五人佐五人假佐十三人百石十五人騎吏九人學事十六人守學事臣昭  
曰凡漢官所載列職人數今悉以注雖頗為繁蓋周禮列官陳人役於前  
以為民極實觀國制此  
則宏模不可闕者也丞一人比千石

盧植禮注曰  
如小樂正本注曰掌

凡行禮及祭祀小事總署曹事

漢舊儀曰丞舉  
廟中非法者

其署

曹掾史隨事為員諸卿皆然

太史令一人六百石本注曰掌天時星曆凡歲將終奏新年曆凡國祭祀喪娶之事掌奏良日及時節禁忌凡國有瑞應災異掌記之

漢官曰太史待詔三十七人其六人治曆三人龜十三人廬宅四人日時三人易筮二人典禳九人籍氏許氏典昌氏各三人嘉法請雨解事各二人醫二人丞一人明堂

及靈臺丞一人二百石本注曰二丞掌守明堂靈

臺靈臺掌候日月星氣皆屬太史

漢官曰靈臺待詔四十二人其十四人候星二人候日二人候風十二人候氣三人候晷景七人候鍾律一人舍人

博士祭酒一人六百石本僕射中興轉為祭酒

廣胡曰官名祭酒皆一位之元長者也古禮賓客得主人饌則老者一人舉酒以祭于舊說以為示有先博士十四人比

六百石本注曰易四施孟梁丘京氏尚書三歐陽

大小夏侯氏詩三魯齊韓氏禮二大小戴氏春秋二公羊嚴顏氏掌教弟子國有疑事掌承問對

本四百石宣帝增秩

本紀桓帝延熹二年置祕書監

太祝令一人六百石本注曰凡國祭祀掌讀祝及

迎送神

漢舊儀曰廟祭太祝令主席酒漢官曰員吏四十一人其二百五十人祝人宰二百四十二人屠者六十人丞一人本注曰掌祝小神事

太宰令一人六百石本注曰掌宰工鼎俎饌具之

物凡國祭祀掌陳饌具

漢官曰明堂丞一人二百石員吏四十二人其二人百石二人斗食二十二人

太子樂令一人六百石本注曰掌伎樂凡國祭祀掌

佐九人有秩二人學事四人守學事宰二百四十二人屠者七十二人衛士一十五人丞一人

請奏樂及大饗用樂掌其陳序

漢官曰員吏二十五人其二人百石一人斗食七人

佐十人學事四人守學事樂人八佾舞二百八十人盧植禮注曰太子令如古大胥漢大樂律卑者之子不得舞宗廟之酌除吏二千石到六百石及關內侯到大夫子取適子高五尺以上年十丞一人

盧植禮注曰大樂丞如古小胥

高廟令一人六百石本注曰守廟掌案行掃除無

丞

漢官曰員吏四人衛士一十五人

世祖廟令一人六百石本注曰如高廟

漢官曰員吏六人衛士三十人

先帝陵每陵園令各一人六百石本注曰掌守園

陵案行掃除丞及校長各一人本注曰校長主兵

戎盜賊事

應劭漢官名秩曰丞比自選孝廉郎年少薄伐者遷補府長史都官令候司馬

先帝陵每陵食官令各一人六百石本注曰掌望

晦時節祭祀

漢官曰每陵食監一人秩六百石監丞一人三百石中黃門八人從官二人案食監即是食官令號

右屬太常本注曰有祠祀令一人後轉屬少

府有太卜令六百石後省并太史中興以來

省前凡十官

案前書十官者太宰均官都水雍太祝五時各一尉也東觀書曰章帝又置祀令丞延光元年

省年

光祿勳卿一人中二千石本注曰掌宿衛宮殿門戶

典謁署郎更直執戟宿衛門戶考其德行而進

退之

胡廣曰勳猶闔也易曰為闔寺宦寺主殿宮門戶之職

郊祀之事掌二獻

漢官曰員吏四十四

丞一人比千石

其十人四科三人百石二人斗食一人佐六人騎吏八人學事十三人守學事一人官醫衛士八十一人

五官中郎將一人比二千石本注曰主五官郎

蔡質漢儀曰中

郎解其府對太學五官中郎比六百石本注曰無員郎年五十以屬五官故曰

六百石五官侍郎比四百石本注曰無員五官郎中比

三百石本注曰無員凡郎官皆主更直執戟宿衛

諸殿門出充車騎唯議郎不在直中蔡質漢儀曰三署郎見光祿勳執板

拜見五官左右將執板不拜於三公諸卿無敬

左中郎將比二千石本注曰主左署郎蔡質漢儀曰中郎解其府府次

五官中郎比六百石侍郎比四百石郎中比三百石郎

本注曰皆無員

右中郎將比二千石本注曰主右署郎中郎比六百

石侍郎比四百石郎中比三百石本注曰皆無員

三郎並無員

虎賁中郎將比二千石本注曰主虎賁宿衛前書武帝置期

門平帝更名虎賁蔡質漢儀曰主虎賁千五百人無常員多至千人戴鶡冠次右將府又虎賁舊作虎奔言如虎之奔也王莽以古有勇士孟賁故名

左右僕射左右陞長各一人比六百石馬孔安國曰若虎賁獸言其甚猛

本注曰僕射主虎賁郎習射陞長主直虎賁朝

會在殿中漢官曰陞長墨綬銅印虎賁中郎比六百石虎賁侍

郎比四百石虎賁郎中比三百石荀綽晉百官表注曰虎賁諸郎皆父死子代漢

制節從虎賁比二百石郎四本注曰皆無員掌宿衛

侍從自節從虎賁久者轉遷才能差高至中郎羽

林中郎將比二千石本注曰主羽林郎案漢末又有四中郎將皆帥師征

伐不知何時置董卓為東中郎將盧植羽林郎比三百石本注

為北中郎將獻帝以曹操為南中郎將曰無員掌宿衛侍從常選漢陽隴西安定北地上

郡西河凡六郡良家補本武帝以便馬從獵還宿

殿陛巖下室中故號巖郎前書曰初置為建章營騎後更名出補三百石丞尉首綽晉百官

表注曰言其嚴厲整銳也案此則為巖郎與志不同蔡質漢儀曰羽林郎百二十八人無常員府次虎賁府

羽林左監一人六百石本注曰主羽林左騎漢官曰孝廉郎作主

羽林九百人二監官屬史吏皆自出羽林中有材者作

羽林右監一人六百石本注曰主羽林右騎丞一人

奉車都尉比二千石本注曰無員漢官曰三人掌御乘輿

車

駙馬都尉比二千石本注曰無員漢官曰五人掌駙馬

騎都尉比二千石本注曰無員漢官曰十人本監羽林騎

光祿大夫比二千石本注曰無員漢官曰三人凡大夫議

郎皆掌顧問應對無常事唯詔命所使凡諸國

嗣之喪則光祿大夫掌弔

太中大夫千石本注曰無員漢官曰二十人秩比二千石

中散大夫六百石本注曰無員漢官曰三十人秩比二千石

諫議大夫六百石本注曰無員胡廣曰光祿大夫本為中大夫武帝元狩五年置諫大夫

為光祿大夫世祖中興以為諫議大夫又有太中中散大夫此四等於古皆為天子之下大夫視列國之上卿漢官曰三十人

議郎六百石本注曰無員漢官曰五十人無常員

謁者僕射一人比千石本注曰為謁者臺率主謁者

天子出奉引古重習武有主射以督錄之故曰僕

射蔡質漢儀曰見尚書令對揖無敬謁者見執板拜之常侍謁者五人比六百石

本注曰主殿上時節威儀漢官曰謁者三十人其二謁者人公府掾六百石特使也

三十人其給事謁者四百石其灌謁者郎中比三

百石本注曰掌賓贊受事及上章報問將大夫以

下之喪掌使弔本員七十人中興但三十人荀綽晉百官表

注曰漢皆用孝廉年五十威容嚴恪能賓者為之明帝詔曰謁者乃堯之尊官所以試舜賓於四門四門穆穆者也昔燕太子使荆軻劫始皇變

起兩楹之間其後謁者持匕首刺腋高祖偃武行文故易之以板初為灌謁者滿歲為給事

謁者蔡質漢儀曰出府丞長史陵令皆選儀容端正任奉使者

右屬光祿勳本注曰職屬光祿者自五官

將至羽林右監凡七署自奉車都尉至謁者

以文屬焉舊有左右曹秩以二千石上殿中

主受尚書奏事平省之世祖省使小黃門郎

受事車駕出給黃門郎兼有請室令車駕

出在前請所幸徵車迎白示重慎中興但以

郎兼事訖罷又省車戶騎凡三將如淳曰主車曰車郎主戶衛曰

郎及羽林郎

衛尉卿一人中二千石本注曰掌宮門衛士宮中循

徼事漢官曰員吏四十一人其九人四科二人二百石文學三人百石十二人斗食二人佐十三人學事一人官醫衛士六十人丞一

人比千石

公車司馬令一人六百石本注曰掌宮南闕門凡

吏民上章四方貢獻及徵詣公車者獻帝起居注曰建安八年議郎衛林

為公車令位隨將大夫舊公車令與都官長史位從將大夫自林始丞尉各一人本注曰丞選曉

諱掌知非法尉主闕門兵禁戒非常胡廣曰諸門部各陳屯夾道其旁當

兵以示威武交戟以遮妄出入者

南宮衛士令一人六百石本注曰掌南宮衛士漢官曰

十五人衛士五百三十七人丞一人

北宮衛士令一人六百石本注曰掌北宮衛士漢官曰

十二人衛士四百七十二人丞一人

左右都候各一人六百石周禮司寤氏有夜士千寶注曰今都候之屬本注曰主

劔戟士徵循宮及天子有所收考漢官曰右都候員吏二

左都候員吏二十八人衛士三百八十三人蔡質漢儀曰宮中諸有劾奏臯左

都候執戟戲車縛送付詔獄在候大小各付所屬以馬被覆見尚書令尚

書僕射尚書皆執板拜見丞郎皆揖丞各一人

宮掖門每門司馬一人比千石本注曰南宮南屯司

馬主平城門漢官曰員吏九人衛士百二人古今宮門蒼龍司

馬主東門案雒陽宮門名為蒼龍闕門漢玄武司馬主玄

武門漢官曰員吏二十八人北宮

朱爵司馬主南掖門漢官曰員吏四人衛士百二十四人古今注

曰永平二年十一月初作北宮朱爵南司朔平司馬主北

馬東明司馬主東門漢官曰員吏十三人衛士百八十八人



門漢官曰員吏五人凡七門漢官曰凡員吏皆隊長佐凡居宮中者皆有

口籍於門之所屬宮名兩字為鐵印文符案省符

乃內之胡廣曰符用木長尺二寸鐵印以符之若外人以事當入本宮長史

為封棨傳其有官位出入令御者言其官

右屬衛尉本注曰中興省旅賁令衛士一人

丞

太僕卿一人中二千石本注曰掌車馬天子每出奏

駕上鹵簿用大駕則執馭漢官曰員吏七十人其七人四科一

七人佐六人騎吏三人假佐丞一人比千石

考工令一人六百石本注曰主作兵器弓弩刀鎧之

三十人學事一人官醫

屬成則傳執金吾入武庫及主織綬諸雜工漢官曰員吏百九人

左右丞各一人

車府令一人六百石本注曰主乘輿諸車漢官曰員吏二十四人丞

一人

未央殿令一人六百石本注曰主乘輿及殿中諸馬

漢官曰員吏七十人卒騶二十人長樂殿丞一人漢官曰員吏十五人卒騶二十人首宿苑官田所一人守之

右屬太僕本注曰舊有六殿皆六百石令前

曰有大殿未央家馬二令各五丞一尉又車府路中興省約

但置一廐後置左駿令殿別主乘輿御馬後

或并省又有牧師苑皆令官主養馬分在河

西六郡界中中興皆省唯漢陽有流馬苑但

以羽林郎監領古今注曰漢安元年七月置承華殿令秩六百石

廷尉卿一人中二千石應劭曰兵獄同制故稱廷尉本注曰掌平獄奏

當所應凡郡國讞疑罪皆處當以報胡廣曰讞實也漢官曰員吏百四

獄史二十一人四科十六人二百石廷吏文學十六人百石十三人十人其十一人四科十六人二百石廷吏文學十六人百石十三人正左監

各一人前各有左右監平世祖省右而猶曰左左平一人六百石本注曰掌

平決詔獄

右屬廷尉本注曰孝武帝以下置中都官獄

二十六所各令長名世祖中興皆省唯廷尉

及雒陽有詔獄蔡質漢儀曰正月旦百官朝賀光祿勳劉嘉廷尉趙世各辭不能朝高賜舉奏皆以

被病篤困空文武之位闕上卿之贊既無忠信斷金之用而有敗禮傷化之尤不謹不敬請廷尉治嘉罪河南尹治世罪議以世掌廷尉故轉屬

他官

大鴻臚卿一人中二千石周禮象胥于寶注曰今鴻臚本注曰掌諸侯

及四方歸義蠻夷其郊廟行禮贊道守請行事既

可以命羣司諸王入朝當郊迎典其禮儀及郡國

上計匡四方來亦屬焉漢官曰員吏五十五人其六人四科一人二百石文學六人百石一人斗食十四人

佐六人騎吏十五人學事五人官醫水元十年大匠應順上言百郡計吏觀國之光而舍逆旅崎嶇私館直裝衣物敝朽暴露朝會邈遠事不肅給

晉霸國盟主耳舍諸侯于隸人子產以為大譏况今四海之大而可無乎和帝嘉納其言即創業焉皇子拜王贊授

印綬及拜諸侯諸侯嗣子及四方夷狄封者臺下鴻

臚名拜之王薨則使弔之及拜王嗣丞一人比千石

大行令一人六百石本注曰主諸郎漢官曰員丞一人

治禮郎四十七人漢官曰其四人四科五人二百石文學五人百石九人斗食六人佐六人學事十二人守學事東觀書

曰主齋祠賓贊九賓又有公室主稠中都官斗食以下功次相補案盧植禮注曰大行郎亦如謁者兼舉形貌

右屬大鴻臚本注曰承秦有典屬國別主四

方夷狄朝貢侍子成帝時省并大鴻臚中興

省驛官別火二令丞如淳曰漢儀注別火獄令官主治改火事及郡邸長

丞但令郎治郡邸漢官目錄曰右三官司徒所部

百官志二第二十五 後漢書二十五

百官志二第二十六 後漢書二十六

宗正少府 大司農

梁劉昭注補

宗正卿一人中二千石本注曰掌序錄王國嫡庶之

次及諸宗室親屬遠近郡國歲因計上宗室名籍

若有犯法當髡以上先上諸宗正宗正以聞乃報決

胡廣曰又歲一治諸王世譜差序秩第漢官曰員吏四十一人其六人四科一人二百石四人百石三人佐六人騎吏二人法家十八人學事一人官醫

丞一人比千石

諸公主每主家令一人六百石丞一人三百石本注

曰其餘屬吏增減無常漢官曰主簿一人秩六百石僕一人秩六百石私府長一人秩六百石家丞一人秩

百石道吏三人從官三人東觀書曰其主薨無子置傅一人守其家

右屬宗正本注曰中興省都司空令丞如淳曰主罪人

大司農卿一人中二千石本注曰掌諸錢穀金帛諸

貨幣郡國四時上月旦見錢穀簿其逋未畢各

具別之邊郡諸官請調度者皆為報給損多益寡

取相給足漢書曰員吏百六十四人其十八人四科九人斗食十六人二百石文學二十人百石二十五人佐七十五人學事一人官醫丞

一人比千石部丞一人六百石本注曰部丞主帑藏今

注曰建初七年七月為大司農置丞一人秩千石別主帑藏則部丞應是而秩不同應劭漢官秩亦云二千石

太倉令一人六百石本注曰主受郡國傳漕穀漢官曰員吏九

十九丞一人

平準令一人六百石本注曰掌知物賈主練染作采

色漢官曰員吏百九十九人丞一人

導官令一人六百石本注曰主春御米及作乾糒導

擇也漢官曰員吏百一十二人丞一人

右屬大司農本注曰郡國鹽官鐵官本屬司

農中興皆屬郡縣魏志曰曹公置典農中郎將秩二千石典農都尉秩六百石或四百石典農

校尉秩比二千石所主如中郎部分別而少為校尉丞又有廩犧令六百石掌祭

祀犧牲鴈鶩之屬漢官曰丞一人三百石員吏四十人其十人斗食十七人佐七人學事五人守

學事皆河南屬縣給吏者及雒陽市長漢官曰市長一人秩四百石丞一人二百石明法補員吏三十六人十三

人百石齋夫十一人斗食十二人佐又有檄權丞三人滎陽教倉

官中興皆屬河南尹餘均輸等皆省均輸者前書孟

康注曰謂諸當所有輸於官者皆令輸其土地所饒平其所在時  
賈官更於他處貨之輸者既便而官有利鹽鐵論大夫曰往者郡  
國諸侯各以其物貢輸往來煩雜物多苦惡或不償其費故郡置  
輸官以相給運而便遠方之貢故曰均輸開委府于京師以籠化貨物  
賤則買貴則賣是以縣官不失實商賈無所利故曰平準準平則  
民不失職均輸則民不劬勞故平準均輸所以平萬物而使百姓也  
文學曰古之賦稅於民也因其所工不求所拙農人納其獲工女効其織  
今釋其所有責其所無百姓賤買貨物以便上求間者郡國或令民  
作布絮吏留難與之為市吏之所入非獨齊陶之縑蜀漢之布也亦  
民間之所為耳行姦賣平農民重苦必苦女工繭稅未見輸之均  
也縣官猥發闔門擅市即萬民竝收竝收則物騰躍騰躍則商賈  
利自市則吏容姦豪吏富商積貨儲物以待其急輕買姦吏收以  
取貴未見準之平也蓋古之均輸所以齊勞逸而使貢輸非以為  
利而賈萬物也王隆小學漢官篇曰調均報度輸漕委輸胡廣注曰邊  
郡諸官請調者皆為調均報給之也以水通輸曰漕委積也郡國  
所積聚金帛貨賄隨時輸送諸司農曰委輸以供國用前書又有  
都內籍田令丞幹官鐵市兩長丞郡  
國諸倉農監六十五官長丞皆屬之

少府卿一人中二千石本注曰掌中服御諸物衣

服寶貨珍膳之屬

漢官曰員吏三十四人其一人四科一人二百石五人百石四人斗食三人佐六人騎吏十三人

學事一人官醫少者小也小故稱少府王者以租稅為公用山澤陂池之稅以供王之私用古皆作小府漢官儀曰田租芻蕘以給經用凶年山澤魚鹽市稅少府以給私用也丞一人比千石

太醫令一人六百石本注曰掌諸醫

漢官曰員醫二百九十三人員吏十九人

藥丞方丞各一人本注曰藥丞主藥方丞主藥

方

太官令一人六百石本注曰掌御飲食

漢官曰員吏六十九人衛士三十八人荀

綽晉百官表注曰漢制太官令秩千石丞四人秩四百石不與志同左丞甘丞湯官丞果丞各

一人本注曰左丞主飲食甘丞主膳具湯官丞主酒

果丞主果

荀綽云甘丞掌諸甘肥果丞別在外諸果菜茹

守宮令一人六百石本注曰主御紙筆墨及尚書財

用諸物及封泥漢官曰員吏六十九人丞一人漢官曰外官丞二百石公府吏府也

上林苑令一人六百石本注曰主苑中禽獸頗有民

居皆主之捕得其獸送太官漢官曰員吏五十八人丞尉

各一人

侍中比二千石漢官秩云二千石周禮太僕千寶注曰若漢侍中本注曰無員掌侍左

右贊導眾事顧問應對法駕出則多識者一人

參乘餘皆騎在乘輿車後本有僕射一人中興轉

為祭酒或置或否蔡質漢儀曰侍中常伯選舊儒高德博學淵懿仰占俯視切問近對喻旨公卿上殿稱

制參乘佩璽秉劔員本八人陪見舊有尚書令僕射下尚書上今官出入禁中更在尚書下司隸校尉見侍中執板揖河南尹亦如之又侍中舊

與中官俱止禁中武帝時侍中莽河羅拔刃謀逆由是侍中出禁外有事乃入畢即出王莽秉政侍中復入與中官共止章帝元和中侍中郭舉與後

宮通拔佩刀驚上舉伏誅由是侍中復出外

中常侍千石本注曰宦者無員後增秩比二千石

掌侍左右從入內宮贊導內眾事顧問應對給

事

黃門侍郎六百石本注曰無員掌侍從左右給事

中關通中外及諸王朝見於殿中引王就坐漢舊儀曰黃門

郎屬黃門今日暮入對青瑣門拜名曰夕郎宮閣簿青瑣門在南宮衛璫注吳都賦曰青瑣戶邊青鏤也一曰天子門內有看格再重裏青畫曰瑣

獻帝起居注曰帝初即位初置侍中給事黃門侍郎員各六人出入禁中近侍帷幄省尚書事改給事黃門侍郎為侍中侍郎去給事黃門之號

旋復復故舊侍中黃門侍郎以在中宮者不與近密交政誅黃門後侍中侍郎出入禁闈機事頗露由是王允乃奏比尚書不得出入不通賓客自此

始也又曰諸奄人官悉以議郎郎中稱秩如故諸署令兩梁冠陛殿上得名都官從事以下

小黃門六百石宦者無員掌侍左右受尚書事上  
在內宮關通中外及中宮已下眾事諸公主及王  
太妃等有疾苦則使問之

黃門令一人六百石董巴曰禁門曰黃闥以中本注曰宦者

主省中諸宦者漢官曰員丞從丞各一人本注曰宦者

從丞主出入從

黃門署長畫室署長玉堂署長各一人丙署長七

人皆四百石黃綬本注曰宦者各主中宮別處

中黃門冗從僕射一人六百石本注曰宦者主中黃

門冗從居則宿衛直守門戶出則騎從夾乘輿  
車

中黃門比百石本注曰宦者無員後增比三百石

掌給事禁中

掖庭令一人六百石本注曰宦者掌後宮貴人采

女事漢官曰吏從官百六十七人待詔五人員吏十人左右丞暴室丞各一人本注

曰宦者暴室丞主中婦人疾病者就此室治其皇

后貴人有罪亦就此室

永巷令一人六百石本注曰宦者典宮婢侍使漢官

吏六人吏從丞一人本注曰宦者漢官曰右丞一

御府令一人六百石本注曰宦者典官婢作中衣服及補浣之屬漢官曰員吏七人丞織室丞各一人本注曰

宦者漢官曰右丞一人

祠祀令一人六百石本注曰典中諸小祠祀漢官曰從官吏八人驪僕射一人

家丞丞一人本注曰宦者

鈎盾令一人六百石本注曰宦者典諸近池苑囿遊

觀之處漢官曰吏從官四十八人丞永安丞各一人三百石本注

曰宦者永安北宮東北別小宮名有園觀苑中丞

果丞鴻池丞南園丞各一人二百石本注曰苑中丞

主苑中離宮果丞主果園鴻池池名在雒陽東二

十里南園在雒水南漢官曰又有署一人胡孰監一人濯龍監

漢官秩曰秩六百石直里監各一人四百石本注曰濯龍亦園名

近北宮直里亦園名也在雒陽城西南角

中藏府令一人六百石本注曰掌中幣帛金銀諸

貨物漢官曰員吏十三人丞一人

內者令一人六百石本注曰掌中布張諸衣物漢官曰從

官祿士一人員吏十九人左右丞各一人

尚方令一人六百石本注曰掌上手工御刀劍諸

好器物漢官曰員吏十人丞一人

尚書令一人千石本注曰承秦所置晉百官表注曰唐虞官也詩云



仲山甫王之喉  
武帝用宦者更為中書謁者令成帝

用士人復故掌凡選署及奏下尚書文書眾事蔡質

漢儀曰故公為之者朝會不陞奏事增秩二千石故自佩銅印墨綬

尚書僕射一人六百石本注曰署尚書事今不在則

奏下眾事蔡質漢儀曰僕射主封門掌授廩假錢穀凡三公列卿將大夫五營校尉行復道中遇尚書僕射左右丞郎御史中丞侍御史皆避車豫相迴避衛士傳不得迂臺官臺官過後乃得去臣昭案獻帝分置左右僕射建安四年以榮邵為尚書左僕射是也獻帝起居注曰邵卒官贈執金吾

尚書六人六百石本注曰成帝初置尚書四人韋昭曰尚奉也

分為四曹漢舊儀曰初置五曹有三公曹主斷獄蔡質漢儀曰典

典選舉齋祀屬三公曹靈帝末梁鵠為選部尚書常侍曹尚書主公卿事蔡質漢儀曰主

常侍黃門御史事世祖改曰吏曹二千石曹尚書主郡國二千石事漢舊儀曰

亦云主刺史蔡質漢儀曰掌中郎官水火盜賊辭訟罪責民曹尚書主凡吏上書事蔡質漢

典繕治功作監池苑園盜賊事客曹尚書主外國夷狄事尚書龍作納言出入帝命應劭曰今

尚書官王世祖承遵後分二千石曹又分客曹為南主

客曹北主客曹蔡質漢儀曰天子出獵駕御府曹郎屬之凡六曹周禮天官有司會鄭玄曰若今

尚書左右丞各一人四百石本注曰掌錄文書期會左丞

主吏民章報及駟伯史蔡質漢儀曰總典臺中綱紀無所不統右丞假署印

綬及紙筆墨諸財用庫藏蔡質漢儀曰右丞與僕射對掌授廩假錢穀與左丞無所不統凡中

宮漏夜盡鼓鳴則起鐘鳴則自衛士甲乙微相傳甲夜畢傳乙夜相傳盡五更衛士傳言五更未明三刻後鷄鳴衛士踵承郎趨嚴上臺不畜宮中

後漢書卷之二十一

鷄汝南出鷄鳴衛士候朱雀門外專傳鷄鳴于宮中應劭曰楚歌今鷄鳴歌也晉太康地道記曰後漢固始銅陽公安細陽四縣衛士習此曲于闕下

歌之今鷄鳴是也  
侍郎三十六人四百石本注曰一曹有六人主作文

書起艸蔡質漢儀曰尚書郎初從二署詣臺試初上臺稱守尚書郎中歲滿稱尚書郎二年稱侍郎客曹郎主治羌胡事劇遷二千石或刺史其公遷為縣令秩滿自占縣去詔書賜錢三萬與三臺祖餘官則否治嚴一月準謁公卿陵廟乃發御史中丞遇尚書丞郎避車執板下

見左右丞對揖無敬稱曰左右君丞郎見尚書執板對揖稱曰明時見令僕射執板拜朝賀對揖

令史十八人二百石本注曰曹有三主書後增劇曹

三人合二十一人古今注曰永元三年七月增尚書令史員功滿未嘗犯禁者以補小縣墨綬蔡質曰皆選蘭臺符節上

稱簡精練吏有能為之決錄注曰故事尚書郎以令史久缺補之世祖始改用孝廉為郎以孝廉丁邯補焉邯稱疾不就詔問實病羞為郎乎對曰臣

實不病恥以孝廉為令史職耳世祖怒曰虎賁滅頭杖之數十詔問欲為郎不邯曰能殺臣者陛下不能為郎者臣中詔遣出竟不為郎邯字叔春京兆陽陵人也有高節正直不撓後拜陰令治有名迹遷漢中太守妻弟為公孫述將收妻送南鄭獄免冠徒跣自陳詔曰漢中太守妻乃繫南鄭獄誰當搔其背垢者懸牛頭賣馬脯盜跖行孔子語以邯服罪且邯一妻冠履勿謝治有異卒于官

符節令一人六百石本注曰為符節臺率主符節

事凡遣使掌授節尚符璽郎中四人本注曰舊二

人在中主璽及虎符竹符之半者漢官曰當得明法律郎周禮掌節有虎

節龍節皆金也干寶注曰漢之銅虎符則其制也周禮又曰以英蕩輔之干寶曰英刻書也蕩竹箭也刻而書其所使之事以助三節之信則漢之竹使符者亦取則于故事也符節令史二百石本注曰掌書魏氏春秋曰中平六年始復節上赤葆

御史中丞一人千石本注曰御史大夫之丞也舊

御史中丞一人千石本注曰御史大夫之丞也舊

別監御史在殿中密舉非法周禮掌建邦之宮刑以主治王宮之政令于寶注曰若御史

丞及御史大夫轉為司空因別留中為御史臺率

風俗通曰尚書御史臺皆以官倉頭為史主賊舍凡守其門戶蔡質漢儀曰丞故二千石為之或遷侍御高第執憲中司朝會獨坐內掌蘭臺督

諸州刺史糾察百僚出為二千石魏志曰建安置御史大夫不領中丞置長史一人後又屬少府治書侍御

史二人六百石本注曰掌選明法律者為之凡天下

諸讞疑事掌以法律當其是非蔡質漢儀曰選御史高第補之胡廣曰孝宣感路溫舒言

秋季後請讞時帝幸宣室齋居而決事令侍御史二人治書御史起此後因別置冠法冠秩百石有印綬與符節郎共平廷尉奏事罪當輕重荀綽

晉百官表注曰惠帝以後無所平治備位而已侍御史十五人六百石本注曰掌察

舉非法受公卿羣吏奏事有違失舉劾之凡郊

廟之祠及大朝會大封拜則二人監威儀有違失

則劾奏蔡質漢儀曰其二人者更直執法省中者皆糾察百官督州郡公法府掾屬高第補之初稱守滿歲拜真出治劇為刺史二千

石平遷補令見中丞執板揖

蘭臺令史六百石本注曰掌奏及印工文書

右屬少府本注曰職屬少府者自太醫上林

凡四官自侍中至御史皆以文屬焉承秦凡

山澤陂池之稅名曰禁錢屬少府世祖改屬

司農考工轉屬太僕都水屬郡國孝武帝

初置水衡都尉秩比二千石別主上林苑有離

宮燕休之處世祖省之并其職於少府每立

秋軀劉之日輒暫置水衡都尉事訖乃罷之

少府本六丞省五又省湯官織室令置丞又

省上林十池監胞人長丞宦者昆臺昆臺本名甘泉居室武帝

改飲飛飲飛本名左弋武帝改三令二十一丞又省水衡屬官

令長丞尉二十餘人章和以下中官稍廣加嘗

藥太官御者鈎盾尚方考工別作監皆六百

石宦者為之轉為兼副或省故錄本官蔡質漢儀曰少

府符著出見都官從事持板都官從事入少府見符著持板漢官目錄曰古三卿司空所部

百官志二第二十六

後漢書二十六

百官志四第二十七

後漢書二十七

執金吾 太子太傅 大長秋 太子少傅 將作大匠 城門校尉 北軍中候 司隸校尉

梁劉昭注補

執金吾一人中二千石漢官秩云比二千石本注曰掌宮外戒司

非常水火之事胡廣曰衛尉巡行宮中則金吾徵於外相為表裏以擒姦計猾月三繞行宮

外及主兵器吾猶禦也應劭曰執金革以禦非常漢官曰員吏二人佐學事注緹騎丞一人比千石漢官秩云緹騎二百人本注

曰無秩比吏食奉漢官曰執金吾緹騎二百人五百二十人輿服導從光滿道路羣僚之中斯最壯矣世祖數曰仕宦

當作執金吾

武庫令一人六百石本注曰主兵器丞一人

右屬執金吾本注曰本有式道左右中候三人六百石車駕出掌在前清道還持麾至宮門宮門乃開中興但一人又不常置每出以郎兼式道候事已罷不復屬執金吾又省中壘寺互都船令丞尉及左右京輔都尉

太子太傅一人中二千石本注曰職掌輔導太子禮如師不領官屬

荀綽晉百官表注曰唐虞官

大長秋一人二千石本注曰承秦將行宦者景帝更為大長秋或用士人中興常用宦者職掌奉宣中宮命凡給賜宗親及宗親當謁見者關通之中

宮出則從

張晏曰皇后卿

丞一人六百石本注曰宦者

中宮僕一人千石本注曰宦者主馭本注曰太僕秩二千石中興省太減秩二千石以屬長秋

中宮謁者令一人六百石本注曰宦者中宮謁者三人四百石本注曰宦者主報中章

中宮尚書五人六百石本注曰宦者主中文書

中宮私府令一人六百石本注曰宦者主中藏幣帛諸物裁衣被補浣者皆主之

丁孚漢儀曰中宮藏府令秩千石儀比御府令

丞一人

人本注曰宦者

中宮永巷令一人六百石本注曰宦者主宮人丞一

人本注曰宦者中宮黃門冗從僕射一人六百石本

注曰宦者主中黃門冗從丁孚漢儀曰給事中宮侍郎六人比尚書郎宦者為之給事黃門四人比黃

門侍郎給事羽林郎一人比羽林將虎賁官騎下

中宮署令一人六百石本注曰宦者主中宮請署天

子數女騎六人丞復道丞各一人本注曰宦者復道

丞主中閣道

中宮藥長一人四百石本注曰宦者

右屬大長秋本注曰承秦有詹事一人位在

長秋上亦宦者主中諸官成帝省之以其職

并長秋是後皇后當法駕出則中謁中宦者

職吏權兼詹事奉引訖罷宦者誅後尚書

選兼職吏一人奉引云其中長信長樂宮者

署少府一人職如長秋及餘吏皆以宮名為

號員數秩次如中宮長樂五官吏朱本注曰帝祖

母稱長信宮故有長信少府長樂少府位

在長秋上及職吏皆宦者秩次如中宮長樂

又有衛尉僕為太僕皆二千石在少府上丁孚漢儀

曰丞六其崩則省不常置

太子少傅二千石本注曰亦以輔導守為職悉主太

子官屬漢官曰員吏十三人

太子率更令一人千石本注曰主庶子舍人更直職似光祿

太子庶子四百石本注曰無員如三署中郎

太子舍人二百石本注曰無員更直宿衛如三署

郎中

漢官曰十二人選良家子孫

太子家令一人千石本注曰主倉穀飲食職似司

農少府

太子倉令一人六百石本注曰主倉穀

太子食官令一人六百石本注曰主飲食

太子僕一人千石本注曰主車馬職如太僕

太子廄長一人四百石本注曰主車馬

太子門大夫六百石

漢官曰門大夫二人選四府掾屬

本注曰舊注云職

比郎將舊有左右戶將別主左右戶直郎建武以來省之

太子中庶子六百石本注曰員五人職如侍中

太子洗馬比六百石本注曰舊注云員十六人職如

謁者太子出則當直者在前導守威儀

漢官曰選郎中補也

太子中盾一人四百石本注曰主周衛徼循

太子衛率一人四百石本注曰主門衛士

右屬太子少傅本注曰凡初即位未有太子

官屬皆罷唯舍人不省領屬少府

將作大匠一人二千石蔡質漢儀曰位次河南尹光武中元二年省謁者領之章帝建初元年復置本

注曰承秦曰將作少府景帝改為將作大匠掌修

作宗廟路寢宮室陵園木土之功并樹桐梓之類

列于道側漢官篇曰樹栗椅桐梓胡廣曰古者列樹以表道竝以為

機草木疏曰梓實桐皮曰椅今民云梧桐是也梓今人所謂梓楸者是也丞一人六百石

左校令一人六百石本注曰掌左工徒丞一人安帝復也

右校令一人六百石本注曰掌右工徒丞一人安帝復也

右屬將作大匠前書曰屬官又有左右中候右庫東園王章左右前後中校士令丞成帝省

城門校尉一人比二千石本注曰掌雜陽城門十二

所周禮司門于寶注曰如今校尉

司馬一人千石本注曰主兵城門每門候一人周禮每門下士二人干

六百石蔡質漢儀曰門候今門候見校尉執板下拜本注曰雜陽城十二門其

正南一門曰平城門漢官秩曰平城門為宮門不置候置屯司馬秩二千石李尤銘曰平城司午厥位處中古今

北宮門屬衛尉其餘上西門應劭漢官曰

廣陽門銘曰廣

雍門銘曰雍門處中位月惟西廣陽門陽位孟

小苑門開陽門應劭漢官曰開陽門始成未有名宿昔有

中東門銘曰中東處仲月位當卯上東門銘曰上東少穀

夏門銘曰夏門值孟位月在亥凡十二門蔡質漢儀曰雜陽二

耗一柱來在樓上琅邪開陽縣上言縣南城門一柱飛去光武皇帝使來識視悵然遂堅縛之刻記其年月因以口馬銘曰開陽在孟位月惟已



門門  
一亭

右屬城門校尉

北軍中候一人六百石本注曰掌監五營

漢官曰員吏七人候自得辟名

通大鴻臚一人斗食

屯騎校尉一人比二千石本注曰掌宿衛兵

漢官曰員吏百二十八

人領士七百

司馬一人千石

蔡質漢儀曰五營司馬見校尉執板不拜

越騎校尉一人比二千石

如淳曰越人內附以為騎也晉灼曰取其才力超越也案紀光武改青巾右校尉

為越騎校尉臣昭曰越人非善騎所出晉灼為允

本注曰掌宿衛兵

蔡質漢儀亦曰掌越騎漢官曰員吏百二

士七百人領司馬一人千石

步兵校尉一人比二千石

初置掌上林苑門屯兵見前書

本注曰掌宿衛

兵

漢官曰員吏七十人領士七百人

長水校尉一人比二千石

如淳曰長水胡名也韋昭曰長水校尉典胡騎廢近長水故以為名長水蓋中小水

本注曰掌宿衛兵

蔡質漢儀曰主長水宣曲胡騎漢官曰員吏百五十七人烏桓胡騎七百三十六人

司

馬胡騎司馬各一人千石本注曰掌宿衛主烏桓

騎

射聲校尉一人比二千石

服虔曰工射也冥冥中有聲則射中之故以為名

本注曰

掌宿衛兵

蔡質漢儀曰掌待詔射聲事漢官曰員吏百二十九人領士七百人

司馬一人千石

右屬北軍中候本注曰舊有中壘校尉領北

軍營壘之事有胡騎虎賁校尉皆武帝置

中興省中壘但置中候以監五營胡騎并長水虎賁主輕車并射聲

案大駕鹵簿五校在前各有鼓吹一部

凡中二千石丞比千石真二千石丞長史六百石比二千石丞比六百石令相千石丞尉四百石其六百石丞尉三百石長相四百石及二百石丞尉皆二百石諸侯公主家丞秩皆比百石諸邊鄣塞尉諸陵校尉長皆二百石有常例者不置秩

司隸校尉一人比二千石

蔡質漢儀曰職在典京師外部諸郡無所不糾封侯外戚三公以下無尊卑入宮

開中道稱使者每會後到先去

本注曰孝武帝初置

荀綽晉百官表注曰司隸校尉周官也征和中陽石

公主平蠱之獄起乃依周置司隸臣昭曰周無司隸豈即司寇乎

持節掌察舉百官以下及

京師近郡犯法者

前書曰置從中都官徒千二百人捕巫蠱督大奸猾後罷其兵

元帝去節

成帝省建武中復置并領一州

蔡質漢儀曰司隸詣臺廷議處九卿上朝賀處公卿

下陪卿上初除謁大將軍三公通謁持板揖公議朝賀無敬臺名入宮對見尚書持板朝賀揖

從事史十二人本注

曰都官從事主察舉百官犯法者

蔡質漢儀曰都官主雜陽百官朝會與三府掾

同博物記曰中興以來都官從事多出之河內掾擊手貴戚

功曹從事主州選署及眾事

別駕從事校尉行部則奉引錄眾事簿曹從事

主財穀簿書其有軍事別置兵曹從事主兵事

其餘部郡國從事每郡國各一人主督促文書察

舉非法皆州自辟除故通為百石云假佐二十五

人本注曰主簿錄閣下事省文書門亭長主州正  
門功曹書佐主選用孝經師主監試經月令師主  
時節祠祀律令師主平法律簿曹書佐主簿書  
其餘都官書佐及每郡國各有典郡書佐一人  
各主一郡文書以郡吏補歲滿一更司隸所部郡  
七

河南尹一人主京都特奉朝請其京兆尹左馮翊  
右扶風三人漢初都長安皆秩中二千石謂之三  
輔中興都雒陽更以河南郡爲尹以三輔陵廟所  
在不改其號但減其秩其餘弘農河內河東三郡

其置尹馮翊扶風及太守丞奉之本位在地理志

百官志四第二十七

後漢書二十七

百官志五第二十八

後漢書二十八

州郡 縣鄉 亭里 匈奴中郎將 護羌校尉 王國 宋蕭國 列侯 四夷國 百官奉

梁劉昭注補

外十有二州每州刺史一人六百石本注曰秦有監

御史監諸郡漢興省之但遣丞相史分刺諸州無

常官孝武帝初置刺史十三人秩六百石古今注曰常以春分

行部郡國各遣一吏迎界上諸書不同也成帝更為牧秩二千石建武十八年

復為刺史十二人各主一州其一州屬司隸校尉蔡質

漢儀曰詔書舊典刺史班宣周行郡國省察治政黜陟能否斷理冤獄以六條問事非條所問即不省一條強宗豪右田宅踰制以強陵弱以眾暴寡二條二千石不奉詔書遵承典制倍公尚私旁詔守利侵漁百姓聚斂為奸三條二千石不郵疑獄風厲殺人怒則任刑喜則任賞煩擾苛暴剝戮黎

元為百姓所疾山崩石裂妖詳訛言四條二千石選署不平苟阿所愛蔽賢  
寵頌五條二千石子弟怙恃榮勢請託所監六條二千石違公下比阿附豪  
強通行貨賂割損政令諸州刺史初除此諸持板揖不拜獻帝起居注曰  
建安十八年三月庚寅省州并郡復禹貢之九州冀州得魏郡安平鉅鹿河  
間清河博陵常山趙國勃海甘陵平石太原上黨西河定襄鴈門雲中五  
原朔方河東河內涿郡漁陽廣陽右北平上谷代郡遼東遼西屬國遼西玄  
菟樂浪凡三十二郡省司隸校尉以司隸部分屬豫州冀州雍州省涼州刺  
史以并雍州部郡得弘農京兆左馮翊右扶風上郡安定隴西漢陽北地武  
都武威金城西平西郡張掖張掖屬國酒泉敦煌西海漢興永陽東安南  
凡二十二郡省交州以其郡屬荊州荊州得交州之蒼梧南海九真交趾日南與  
其舊所部南陽章陵南郡江夏武陵長沙零陵桂陽凡十三郡益州本部郡  
有廣漢漢中巴郡犍為蜀郡牂牁越巂益州永昌犍為屬國蜀郡屬國廣  
漢屬國今并得交州之鬱林合浦凡十四郡豫州部郡本有潁川陳國汝南市  
國梁國魯國今并得河南滎陽都尉凡八郡徐州部郡得下邳廣陵彭城  
東海琅邪利城城陽東莞凡八郡青州得徐州北海東萊濟南樂安凡諸  
五郡獻帝春秋曰孫權以步騭行交州刺史東觀書曰交州刺史持節

### 州常以八月巡行所部郡國

胡廣注曰巡謂驛馬也縣次傳駕之以走疾猶言古附遂

### 囚徒

胡廣曰縣邑囚徒皆閱錄視參考辭狀實其真偽有侵冤者即時平理也

### 考殿最

胡廣曰課第長吏不稱職者為殿舉

免之其有治能者為最察上尤異州初歲盡詣京都奏事

胡廣曰所察有

又狀州中吏民茂才異等歲舉一人

### 中興但因計吏

胡廣曰不復自

條應繩異者輒覆問之不如柔吐剛也歲盡詣京師其所道皆如舊典東觀書曰和帝初張酺上言臣聞王者法天發惑奏事太微故州牧刺史入奏事所以通下問知外事也數十年以來重其道歸煩擾故時止勿奏事今因以為故事臣愚以為刺史視事滿歲可令奏事如舊典問州中風俗恐好惡過所道事所聞見考課眾職下章所告及所自舉有意者賞異之其尤無狀逆詔書行臯法冀救戒其餘令各敬慎所職於以衰滅貪邪便佞韓詩外傳曰王者必立牧方三人所以使關遠牧眾也遠方之民有飢寒而不得衣食獄訟而冤失職賢而不舉者入告天子天子於其君之朝也揖而進之曰意朕之政教有不得爾者邪如何乃有飢寒而不得衣食獄訟而冤失職賢而不舉然後其君退而與其卿大夫謀之遠方之民聞皆曰誠天子也夫我居之辟見我之近也我居之幽見我之明也可欺乎哉故牧者所以開四目皆有從事史假佐本注曰員職略與司隸同無

都官從事其功曹從事為治中從事豫州部郡國六冀州部九兖州部八徐州部五青州部六荊州部

七揚州部六益州部十二涼州部十二并州部九幽州部十一交州部七凡九十八其二十七王國相其七十一郡太守其屬國都尉屬國分郡離遠縣置之如郡差小置本郡名世祖并省郡縣四百餘所後世稍復增之臣昭曰昔在先代列爵殊等九服不同畿荒制異雖連帥相司牧伯分長而封疆制限兼庸有數如身之使臂手之使指故能高卑相固遠近維緝羣后克穆共康兆庶爰及周衰稍競吞廣邦國侵爭遽懷負畧猶歷數百年乃能成其并一豈非樹之有本使其然乎秦兼天下開設郡縣孤立獨王即以顛亡漢祖因循雖不頓革分置子弟終龜諸呂之難漸剖列郡以減大都之權後嚴安之徒猶慷慨憤謂千里之威即古之疆國慮非安本無窮之計也孝武之末始置刺史監糾非法不過六條傳車周流匪有定鎮秩裁數百威望輕寡得有察舉之勤未生陵犯之釁成帝改牧其萌始大既非識治之主故無取焉爾世祖中興監乎政本復約其職還遵舊制斷親奏事省入惜煩漸得自重之路因茲以降彌於歲年母后當朝多以弱守六合危動四海潰弊財盡力綱維撓毀而八方不能內侵諸侯莫敢入伐豈非幹彊枝弱控制素重之所致乎至孝靈在位橫

流既及劉焉傲爲自爲身謀非有憂國之心專懷狼據之策抗論昏世薦議愚主盛稱宜重牧伯謂足鎮歷萬里挾姦樹算苟罔一時豈可永爲國本長期勝術哉夫聖主御世莫不大庇生民承其休謀傳其典制猶云事久弊生無或通貫故變改正服革異質文分爵三五參差不一況在豎駮之君挾姦詐之臣共所創置哉焉可仍因大建尊州之規竟無一日之治故焉牧益土造帝服于岷峨表紹取冀下制書于燕朔劉表制南郊天祀地魏祖據兗遂構皇業漢之殄滅禍原乎此及臻後代任寄彌廣委之邦宰之命授之斧鉞之重假之都督之威開之征討之畧晉太康之初武帝亦疑其然詔乃曰上古及中代或置州牧或置刺史置監御史皆總綱紀而不賦政治民之事任之諸侯郡守昔漢末四海分崩因以吳蜀自擅自是刺史內親民事外領兵馬此一時之宜爾今賴宗廟之靈士大夫之力江表平定天下合之爲一當韜戢干戈與天下休息諸州無事者罷其兵刺史分職皆如漢氏故事出頒條詔入奏事京城二千石專治民之重監司清峻於上此經久之體也其便省州牧晉武帝又見其弊矣雖有其言不卒其事後嗣續繼牧鎮愈重據地分爭竟覆天下昔王畿之大不過千里州之所司廣袤兼遠爭疆虎視之辰遷鼎革終之日未嘗不藉藩兵之權挾董司之力逼迫伺隙陵奪冲幼其甚者臣主揚兵骨肉戰野昆弟梟懸伯叔屠裂末壯披心尾大不掉既用此始亦病以終傾軫愈龍襲莫或途改致維京有銜璧之痛秦臺有不守之酷胡羌遞興氏鮮更起摩滅羣黎流禍百世堅冰所漸兼緣茲蠹鳴呼後之聖王必不久滯斯迹靈長之終當有神算不然則

雄捍反拒之事懼甚於此心凡州所監都為京都置尹一人

二千石丞一人每郡置太守一人二千石丞一人郡

當邊戍者丞為長史古今注曰建武六年三月令郡太守諸侯相繼承長史行事十四年罷邊郡太守

丞長史王國之相亦如之每屬國置都尉一人比二千

石丞一人本注曰凡郡國皆掌治民進賢勸功決

訟檢姦常以春行所主縣勸民農桑振救乏絕秋

冬遣無害吏案訊諸囚平其臬法論課殿最案律有無

害都吏如今言公平吏漢書音義曰文無所枉害蕭何以文無害為沛主吏掾歲盡遣吏上計盧植禮注曰計

斷九月因秦以十月為正故也并舉孝廉郡口二十萬舉一人典兵禁

備盜賊景帝更名都尉武帝又置三輔都尉各一

人譏出入邊郡置農都尉主屯田殖穀又置屬國都

尉主蠻夷降者中興建武六年省諸郡都尉并職

太守無都試之役古今注曰六年八月省都尉官應劭曰每有劇賊郡臨時置都尉事訖罷之省關

都尉唯邊郡往往置都尉及屬國都尉稍有分縣

治民比郡安帝以羌犯法三輔有陵園之守乃復

置右扶風都尉京兆虎牙都尉應劭漢官曰蓋天生五材民並用之廢一不可誰能去

兵兵之設尚矣易稱弦木為弧剡木為矢弧矢之利以威天下春秋三時務農一時講武詩美公劉匪居匪康入耕出戰乃裹餼糧干戈載揚四方莫當自

郡國罷材官騎士之後官無警備實啓寇心一方有難三面救之發興雷震

強敵猶鳩鵲捕鷹鷂豚羊弋豺虎是以每戰常負王旅不振張角懷挾

殊俗之兵非我族類忿鷙縱橫多疆良善以為己功財貨糞土哀夫民氓遷

流之咎見出在茲不教而戰是謂棄之跡其禍敗豈虛也哉春秋家不藏

甲所以一國威抑私力也今雖四海殘壞王命未洽可折衝壓難若指於掌故置右扶風莽時置西海郡令其吏皆百石親事一曰為四百石二歲而遷補皆置諸曹掾史新論曰王

無東西曹蔡質漢儀曰河南尹掾出考案與從事同有功曹史主選署功勞有

五官掾署功曹及諸曹事其監屬縣有五部督

郵曹掾一人正門有亭長一人主記室史主錄記

書催期會無令史閣下及諸曹各有書佐幹主

文書漢官曰河南尹員吏九百二十七人十二人百石諸縣有秩三十五人官屬掾史五人四部督郵吏部掾二十六人案獄仁恕三人監津

渠漕水掾二十五人百石卒吏二百五十人文學守助掾六屬官毋縣

十人書佐五十人循行二百三十人幹小史二百三十一人

邑道大者置令一人千石其次置長四百石小者置

長三百石侯國之相秩次亦如之應劭漢官曰前書百官表云萬戶以上為令萬

戶以下為長三邊始孝武皇帝所開縣戶數百而或為令荆揚江南七郡唯有臨湘南昌吳三令爾及南陽穰中土沃民稠四五萬戶而為長桓帝時以江南陽安為女公主邑改號為令主薨復復其故若此為繫其本俗說令長以水土為之及秩高下皆無明文班固通儒述一代之書斯近其真

本注曰比皆掌治民顯善勸義禁姦罰惡理訟平賊

恤民時務秋冬集課上計於所屬郡國胡廣曰秋冬歲盡各計縣

戶口墾田錢穀出入盜賊多少上其集簿丞尉以下歲詣郡課校其功多尤為最者於廷尉勞勉之以勸其後負多尤為殿者於後曹別責以糾怠慢也諸對辭窮尤困收主者掾史關白太守使取法丞尉縛責以明下轉相督勅為民除害也明帝詔書不得僇辱守黃綬以別小人吏也

凡縣主蠻夷曰道公主所食湯沐曰國縣萬戶

以上為令不滿為長侯國為相皆秦制也史記秦并天下

夷郡縣銷兵刃示不復用丞各一人尉大縣二人小縣一人本注曰丞

署文書典知倉獄尉主盜賊凡有賊發主名不立

後漢書卷三十一



則推索行尋案察姦宄以起端緒

應劭漢官曰大縣丞左右尉所謂命卿

三人小縣一尉一丞命卿二人

各署諸曹掾史本注曰諸曹畧如郡員

五官為廷掾監鄉五部春夏為勸農掾秋冬為

制度掾

漢官曰維陽令秩千石丞三人四百石孝廉左尉四百石孝廉右尉四百石員吏七百九十六人十三人四百石鄉有秩

獄史五十六人佐史鄉佐七十七人斗食令史嗇夫假五十人官掾史幹小史二百五十人書佐九十人循行二百六十人

鄉置有秩三老游徼本注曰有秩郡所署秩百石

漢官曰鄉戶五千則置有秩

掌一鄉人

風俗通曰秩則田間大夫言其官裁有秩耳

其鄉小者縣

置嗇夫一人

風俗通曰嗇者省也夫賦也言消息百姓均其賦役

皆主知民善惡為

役先後知民貧富為賦多少平其差品二老掌

教化凡有孝子順孫貞女義婦讓財救患及學

士為民法式者皆扁表其門以興善行游徼掌徼

循禁司姦盜又有鄉佐屬鄉主民收賦稅

風俗通曰國家制度

大率十里一鄉

亭有亭長以禁盜賊本注曰亭長主求捕盜賊

承望都尉

漢官儀曰民年二十三為正一歲以為衛士一歲為材官騎士習射御騎馳戰陣八月太守都尉令長相丞尉會都

試課殿最水家為樓船亦習戰射行船過郡太守各將萬騎行鄣塞烽火追虜置長史一人丞一人治兵民當兵行長領置部尉千人司馬候農都

尉皆不治民不給衛士材官樓船年五十六老衰乃得免為民就田應合選為亭長亭長課徼巡尉游徼亭長皆習設備五兵五兵弓弩戟楯刀劍甲

鎧鼓吏赤幘行滕帶劍佩刀持楯被甲設矛戟習射設十里一亭亭長亭候五里一郵郵間相去二里半司姦盜亭長持二尺板以劾賊索繩以收執賊風

俗通曰漢家因秦大率十里一亭亭留也蓋行旅宿會之所館亭吏舊名自弩改為長或謂亭父

里有里魁民有什伍善惡以告本注曰里魁掌一里

百家什主十家伍主五家以相檢察民有善事惡

事以告監官

風俗通曰周禮五家為鄰四鄰為里里者止也里有司司五十家共居止同事舊欣通其所也

邊縣有障塞尉本注曰掌禁備羌夷犯塞

符曰武

王問太公願聞治亂之要太公曰其本在吏武王曰吏者治也所以為治其亂者何太公曰故吏重罪有十武王問吏之重罪太公曰一吏苛刻二吏不平三吏貪污四吏以威力迫脅于民五吏與吏合姦六吏與人之情七吏作盜賊使人為耳目八吏賤買賣貴于民九吏增易于民十吏振懼于民夫治者有三罪則國亂而民愁盡有之則民流亡而君失其國武王曰民亦有罪乎太公曰民有十大於此除者則國治而民安武王曰十大何如太公曰民勝吏淳大臣一大也民宗強侵陵羣下二大也民甚富傾國家三大也民尊親其君天下歸慕四大也眾暴寡五大也民有百里之譽千里之交六大也民以吏威為權七大也恩行于吏八大也民服信以少為多奪人田宅贅人妻子九大也民之基業畜產為人所苦十大也所謂一家害一里一里害諸侯諸侯害天下武王曰絕吏之辜塞民之大奈何太公曰察民之暴吏明其賞審其誅則吏不敢犯辜民不敢大也武王曰是民吏相向上下不和而結其讐言太公曰為君守成為吏守職為民守事如此各居其道則國治國治則都治都治則里治里治則家治家治則善惡分明善惡分明則國

無事國無事則吏民外不懷怨內不微事

其郡有鹽官鐵官工官都水官者

隨事廣狹置令長及丞秩次皆如縣道無分士給均

本吏本注曰凡郡縣出鹽多者置鹽官主鹽稅出

鐵多者置鐵官主鼓鑄

胡廣曰鹽官指坑而得鹽或有鑿井煮海水而以得之者鑄銅為器械當

鑄治之時扇熾其火謂之鼓鑄

有工多者置工官主工稅物有水池及

魚利多者置水官主平水收漁稅在所諸縣均

差吏更給之置吏隨事不具縣員

使匈奴中郎將一人比二千石本注曰主護南單于

置從事二人有事隨事增之掾隨事為員護羌

烏桓校尉所置亦然

應劭漢官曰擁節屯中步南設官府掾史單于歲遣侍子來朝謁者常送迎

馬得賂弓馬氈罽他物百餘萬謁者  
事訖還具表付帑藏詔書敕自受

護烏桓校尉一人比二千石本注曰主烏桓  
應劭漢官曰擁

節長史一人司馬二人皆六百石并領鮮卑客賜質  
子歲時胡市焉晉書曰漢置東夷校尉以撫鮮卑

護羌校尉一人比二千石本注曰主西羌  
應劭漢官曰擁節長史司馬二

人皆六百石

皇子封王其郡為國每置傅一人相一人皆二千  
石本注曰傅主導王以善禮如師不臣也相如太  
守有長史如郡丞漢初立諸王因項羽所立諸王  
之制地既廣大且至千里又其官職傅為太傅相  
為丞相又有御史大夫及諸卿皆秩二千石百官

皆如朝廷國家唯為置丞相其御史大夫以下

皆自置之胡廣曰後漢妾數無限別乃制設正  
適曰妃取小夫人不得過四十八人至景帝時吳

楚七國恃其國大遂以作亂幾危漢室及其誅

滅景帝懲之遂令諸王不得治民令內史主治

民改丞相曰相省御史大夫廷尉少府宗正博士

官武帝改漢內史中尉郎中令之名前書曰改漢內  
史為京兆尹中

尉為執金吾郎中令為光祿勳而王國如故員職皆朝廷為署不得

自置至漢成帝省內史治民更令相治民漢舊  
儀曰

大司空何武奏罷內史相如太守中尉如都尉  
參職是後中尉爭權與王相奏常不和也太傅但曰傅臣昭  
曰觀

夫高祖之創業也豈直鴻勳碩德大庇羣生蕩其毒虐厝之和泰而已哉  
至於謀深慮久封建子弟蕃維盤固規謀和遠及於三趙不終燕靈天

絕齊代准楚皆為外重故宋昌曰外畏齊楚淮南斯非效與事過則弊孰或通之全國之難誠因財物之富作衛之益亦既得之於前矣故賜以几杖用息姦謀嗣隕局下怨生有以連連師構亂兵交梁闕御侮推寇肇自密戚景帝遂削蕃國之權刻骨肉之援封為君而不聽治其民置為主而稍賤其臣矯枉過甚遂臻於此呂霍之危朝后旋愈貴於來寵吳楚之叛奔侯王恒借以受誚故賈誼欲眾建以少其力列虛以戾其生此乃達觀深識監于親陪之要者也家嗣必傳萬里之地分支欲使搖動不得於經維遠算且已礙矣復哀平之際劉氏徧於四海宗正著錄遂以萬數及乎後漢彌循前迹光武十子竝列畿外近郡孝明八國不能開庇遠民國近則不可以大不大則不足為強此所以本枝之援終以少固若使漢分兩越置二三親國剖吳楚樹數四列蕃割遼海而分皇枝開隴蜀而王子弟使主尊顯依漢初之貴民無定限許滋養之富若有昏虐之嗣可得廢而不得削必傳劉氏民信所奉發其侵伐兼并之釁峻其他族篡殺之科制其入貢輕重之法疏其來朝往復之數君君臣臣永許百世之期一國之民長無遷動之志四方得志聽離官列封懷賢抱智隨所適樂土強弱相侔遠近相推舉其大歸畧其小帶與其畫一班之海內天子之朝自非異姓僭奪不得與勤王之師諸蕃國自非雜互篡主不降討伐之詔犬牙相經共為嚴國雖王莽善盜將何因而敢竊曹操雄勇亦安能以得士斯無俟極聖然克行明賢麤識亦足立故父子首足也昆弟四肢也當使筋骨髓血動靜足以相勝長短大小幹用足以相衛豈有害脛致腹取骨肉以增頭刻背露骨剝膏腴以裨領而謂顛顛魁岸

可得比壽松晉咽喉擁腫必能長生久視哉漢氏得之微猶能四百載魏人失之甚不滿數十年爰自晉世矯枉太過入列皇朝非簡賢之授唯親是貴無愚智之辨不能勝衣冠早據公相之尊童蒙幼子端登槐嶽之位職應論道而未離保母之養續侯賦政而服二三尺衣英賢大度稟彼昏雅高才碩儒恭承藐識公餽覆而不憂美錦碎而愈截兼授若流迴遷競路才駕任重功勳釁多又曉比名于公旦夕同臯于盜跖喪稱無位可以充德貶退刑輟不足以塞咎威力強濟聲實隆重嫌猜畏偏身受其弊覆滅分體若梟仇寇齎粉同氣有過他逆忠貞之士橫罹其凶志節之人狼狽其禍閔伯實沈繼踵史筆顯顯甫比有國書趙倫以蠢愚排天齊攸以賢明謝世在鬱珍夷冤孫就盡不可勝載矣豈周漢之君多孝悌之性晉宋之主稟豺狼之情蓋事勢使之然也朝行斯術夕窮崩亂未能革悛來事愈甚蒼生為此將盡矣四海為此構賊矣聖帝英君欲反斯敗必當更開同姓之國置不增之約罷白晝入宮之禍守盟牲礪河之篤乃可還險墜之路反乎全安之轍也

中尉一人比二千石本注曰職如郡都尉主盜賊東觀書曰其紹

郎中令一人僕一人皆千石本注曰郎中封削紉者中尉內史官屬亦以率滅

令掌王大夫郎中宿衛官如光祿勳自省少府職

皆并焉僕主車及馭如太僕本注曰太僕比二千石武帝改但曰僕又皆減其秩治書比六百石本注曰治書本尚書更名大夫比六百石本注曰無員掌奉王使至京都奉璧賀正月及使諸國本皆持節後去節謁者比四百石本注曰掌冠長冠本員十六人後減禮樂長本注曰主樂人衛士長本注曰主衛士醫工長本注曰主醫藥永巷長本注曰宦者主宮中婢使祠祀長本注曰主祠祀皆比四百石自禮樂長至此皆四百石郎中二百石本注曰無員衛公宋公本注曰建武二年封周後姬常為周承

休公五年封殷後孔安為殷紹嘉公十四年改常為衛公安為宋公以為漢賓在二公上五經通義二王之後不考功有誅

無絕鄭玄曰王者存二代而封及五郊天用天子禮以祭其始祖行其正朔此謂通三統也二恪者敬其先聖封其後而已無殊異者也

列侯所食縣為侯國本注曰承秦爵二十等為徹侯金印紫綬以賞有功功大者食縣小者食鄉亭得臣其所食吏民後避武帝諱為列侯武帝元朔二年令諸王得推恩分眾子土國家為封亦為列侯舊列侯奉朝請在長安者位次三公中興以來唯以功德賜位特進者次車騎將軍胡廣漢制度曰功德優盛朝廷所敬異者賜特進在賜位朝侯次五校尉賜位侍祠侯三公下不在車騎下

次大夫其餘以肺附及公主子孫奉墳墓於京都

者亦隨時見會位在博士議郎下胡廣制度曰諸王是為獲諸侯諸王

封者受茅土歸以立社稷禮也胡廣曰諸王受封皆受茅土歸立社稷本朝為宮室

自有制度至於列侯歸國者不受茅土不立宮室各隨貧富裁制黎庶以守其寵列土特進朝侯賀正

月執璧云每國置相一人其秩各如本縣本注曰

主治民如令長不臣也但納租于侯以戶數為限

其家臣置家丞庶子各一人本注曰主侍侯使理

家事列侯舊有行人洗馬門大夫凡五官中興以

來食邑千戶已上置家丞庶子各一人不滿千戶

不置家丞又悉省行人洗馬門大夫

關內侯如淳曰列侯出關就國侯但爵身其有家累者與之關內之邑食其租稅也古今注曰建武六年初令關內侯食邑者俸月

五斛承秦賜爵十九等為關內侯無土寄食在所

縣民租多少各有戶數為限荀綽晉百官表注曰時六國未平將帥皆家關中故以為號劉

劭爵制曰春秋傳有庶長鮑商君為政備其法品為十八級合關內侯列侯凡二十等其制因古義古者天子寄軍政於六卿居則以田警則以戰所謂

入使治之出使長之素信者與眾相得也故啓戎有扈乃名六卿大夫之在軍為將者也及周之六卿亦以居軍在國也則以比長閭胥族師黨正

州長卿大夫為稱其在軍也則以卒伍司馬將軍為號所以異在國之名也秦依古制其在軍賜爵為等級其帥人皆更卒也有功賜爵則在軍吏

之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也關內侯者依古圻

內子男之義也秦都山西以關內為王畿故曰關內侯也列侯者依古列國諸侯之義也然則卿大夫士下之品皆於古比朝之制而異其名亦所以殊軍

國也古者以車戰兵車一乘步卒七十二人分翼左右車大夫在左御者處中勇士居右凡七十五人一爵曰公士者步卒之有爵為公士者二爵曰上造

造成也古者成士升于司徒曰造士雖依此名皆步卒也三爵曰簪褭御馬者要褭古之名馬也駕馬者其形似簪褭故曰簪褭也四爵曰不更不

更者為車右不復與凡更卒同也五爵曰大夫大夫者在車左者也六爵為官大夫七爵為公大夫八爵為公乘九爵為五大夫皆軍吏也吏民爵不得過公乘者得賞與子若同產然則公乘者軍吏之爵最高者也雖非臨戰得公卒車故曰公乘也十爵為左庶長十一爵為右庶長十二爵為左更十三爵為中更十四爵為右更十五爵為少上造十六爵為大上造十七爵為駟車庶長十八爵為大庶長十九爵為關內侯二十爵為列侯自左庶長已上至大庶長皆卿大夫皆軍將也所將皆庶人更卒也故以庶更為名大庶長即大將軍也左右庶長即左右偏裨將軍也古今注曰成帝鴻嘉二年令吏民得買爵級千錢

四夷國王率眾王歸義侯邑君邑長皆有丞比郡縣

百官受奉例古今注曰建武二十六年四月大將軍三公奉

月三百五十斛中二千石奉月百八十斛二千石奉月百二十斛比二千石奉月百斛千石奉月八

十斛六百石奉月七十斛比六百石奉月五十斛

四百石奉月四十五斛比四百石奉月四十斛三百

石奉月四十斛比三百石奉月二十七斛二百石

奉月三十斛比二百石奉月二十七斛一百石奉

月十六斛斗食奉月十一斛漢書書百義曰斗佐史奉

月八斛古今注曰永和三年初與河南尹及雒陽員吏四百二十七人

百石秩為大優而無品若共進凡諸受奉皆半錢半穀前

晉百官表注曰漢延平中二千石奉錢九千米七十二斛真二千石月

錢六千五百米三十六斛比二千石月錢五千米三十四斛一千石月錢四千

米三十斛六百石月錢二千五百米二十一斛四百石月錢二千五百米十五

斛三百石月錢二千米十二斛二百石月錢一千米九斛百石月錢八百米

贊曰帝道淵默冢帥修德寡以御眾分職乃克不  
置不監無驕無忒程是司徒寧民康國

百官志五第二十八

後漢書二十八

輿服志上第二十九

後漢書二十九

玉輅	乘輿	金根	安車	立車	耕車	戎車
獵車	駟車	青蓋車	緣車	阜蓋車	夫人安車	
大駕	法駕	小駕	輕車	大使車		
小使車	載車	導從車	車馬飾			

梁劉昭注補

書曰明試以功

孔安國曰攷試其君國為政以差其功

車服以庸

孔安國曰賜以車服以旌

其德用所任也又一通諸侯四朝各使陳進治化之言明試其言以要其功功成則錫車服以表顯其能用

言昔者聖人

興天下之大利除天下之大害躬親其事身履其  
勤憂之勞之不避寒暑使天下之民物各得安  
其性命無天昏暴陵之災是以天下之民敬而愛  
之若親父母則而養之若仰日月夫愛之者欲其



長久不憚力役相與起作宮室上棟下宇以雍覆  
之欲其長久也敬之者欲其尊嚴不憚勞煩相與  
起作輿輪旌旗章表以尊嚴之斯愛之至敬之  
極也苟心愛敬雖報之至情由未盡或殺身以爲之  
盡其情也奕世以祀之明其功也是以流光與天  
地比長後世聖人知恤民之憂思深大者必饗其  
樂勤仁毓物使不夭折者必受其福故爲之制禮  
以節之使夫上仁繼天統物不伐其功民物安逸若  
道自然莫知所謝老子曰聖人不仁以百姓爲芻  
狗此之謂也夫禮服之興也所以報功章德尊仁

尚賢故禮尊尊貴貴不得相踰所以爲禮也非其  
人不得服其服所以順禮也順則上下有序德薄  
者退德盛者縟故聖人處乎天子之位服玉藻遂  
延日月升龍山車金根飾黃屋左纁纁所以副其德  
章其功也賢仁佐聖封國受民黼黻文繡降龍  
路車所以顯其仁光其能也及其季末聖人不得  
其位賢者隱伏是以天子微弱諸侯脅矣於是相  
貴以等相讙以貨相賂以利天下之禮亂矣至周  
夷王下堂而迎諸侯此天子失禮微弱之始也自  
是諸侯宮縣樂食祭以白牡擊玉磬朱干設錫

冕而舞大武

鄭玄注禮記曰此皆天子之禮也宮縣四面縣也干盾也錫傳其背如龜也武萬舞也白牡大路殷天子之禮也

白牡

大六臺門旅樹反坫繡黼丹朱中衣鏤篋朱

紘此大夫之僭諸侯禮也

謂之樹所以蔽行道管氏樹塞門塞

猶蔽也禮天子外屏諸侯內屏大夫以簾士以帷反坫反爵之坫也蓋在樽南兩君相見主君既獻於此反爵焉繡黼丹朱以為中衣領緣也繡讀為綃

綃繒名也詩云素衣朱綃又曰素衣朱襮襮繡領也鏤篋謂刻而飾之也大

夫刻之為龜耳諸侯飾以象天子飾以玉朱紘天子冕之紘也諸侯青組大

夫士當緇組紘纁纁邊詩刺彼己之子不稱其服傷其敗化易譏

負且乘致寇至言小人乘君子器盜思奪之矣自

是禮制大亂兵革竝作上下無法諸侯陪臣山柲

藻稅降及戰國奢僭益熾削滅禮籍益惡有害

己之語競修奇麗之服飾以輿馬文罽玉纓象鑣

金鞍以相夸上爭錐刀之利殺人若刈艸然而宗祀

亦旋夷滅榮利在己雖死不悔及秦并天下攬其

輿服上選以供御其次以錫百官漢興文學既缺

時亦草創承秦之制後稍改定參稽六經近於雅

正孔子曰其或繼周者行夏之正乘殷之輅服

周之冕樂則韶舞故撰輿服著之於篇以觀古

今損益之義云上古聖人見轉蓬始知為輪輪行

可載因物知生復為之輿輿輪相乘流運罔極任

重致遠天下獲其利後世聖人觀於天視斗周

旋魁方杓曲

春秋緯曰瑞光第一至第四為魁第五至第七為杓合為斗

以攜龍角為

帝車於是廼曲其輶乘牛駕馬登險赴難周覽

八極故易震乘乾謂之大壯言器莫能有上之者

也孝經援神契曰斗杓繞象成車房為龍馬華蓋覆鉤天罡入魁神不獨居故驂駕陪乘以道踟躕宋均注曰房星既體蒼龍又象駕

駟馬故兼言之也覆鉤既覆且鉤曲似蓋也天罡入魁又似御陪乘自是以來世加其飾至奚

仲為夏車正建其旂旒尊卑上下各有等級世本

云奚仲始作車古史考曰黃帝作車引重致遠其後少昊時駕牛禹時奚仲駕馬臣昭案服牛乘馬以利天下其所起遠矣豈奚仲為始世本之誤

史考所說也是也周室大備官有六職百工與居一焉周禮曰審曲

材以辨民器謂之百工一器而羣工致巧者車最多是故具物以

時六材皆良鄭玄曰取幹以冬取角以秋絲漆以夏筋膠未聞自此至旂旒在矢皆出周禮鄭玄曰即是周禮注輿

方法地蓋圓象天三十輻以象日月鄭玄曰輪象日月者以其運行也日月三

十日而合宿蓋弓二十八以象列星龍旂九旂七仞齊軫鄭玄曰軾

謂車後橫木以象大火鄭玄曰交龍為旂諸侯之所建也大鳥旗七

旂五仞齊較鄭玄曰較者車高檻木也以象鷄火鄭玄曰鳥隼為旗州里之

屬有七星熊旗六旂五仞齊肩以象參伐鄭玄曰熊虎為旗師

宿與參連體而四星龜旒四旂四仞齊首以象營室鄭玄曰龜蛇為旒縣

體而四星弧旌枉矢以象弧也鄭玄曰觀禮曰疾氏載龍旂弧韜

之幅有衣謂之韜又為設矢象弧星有矢也妖星有枉矢者蛇行有尾因

此云枉矢蓋畫之玄注禮含文嘉曰旗有九名日月為常交龍為旂通帛

為旂雜帛為物能虎為旗鳥隼為旒龜蛇為旒全羽為旒析羽為旒盧

植注禮記曰有鈴曰旂干寶注周禮曰枉矢象妖星非其義也枉蓋應為

枉直謂枉矢於弧此諸侯以下之所建者也白虎通曰居車中不內顧

鳴驚鳴則和應其聲名曰和敬舒則不鳴疾則失音明得其和也故詩云和鸞雍雍萬福攸同魯訓曰和設軾者也鸞設衡者也許慎曰詩云八鸞鎗鎗則一曰一鸞也又曰轡車鸞鑣知非衡也毛詩傳曰在軾曰和在鑣曰鸞杜預注左傳亦云鸞在鑣和在衡傳云乘輿馬賦注曰鸞在馬勒鑣干寶周禮注曰和鸞皆以金為鈴史記曰前有錯衡所以養目也步中武象驟中韶濩所以養耳也龍旂九旒所以養信也寢兕持虎蛟鞮彌龍所以養威也故大路之馬必信至教順然後乘之所以養安也

天子五路 周禮王之五路一曰玉路二曰金路三曰象路四曰革路五曰木路釋名曰天子所乘曰路路亦軍事也謂之路言行路也

以玉為飾 古文尚書曰大路在賓階面綴路在阼階面孔安國曰大路玉綴路金也服虔曰大路總名也如今駕駟高車矣尊卑俱乘

再就 鄭玄曰錫面當盧刻金為之所謂鑊錫也樊讀如鞞帶之鞞謂今馬大帶也鄭眾曰纓謂當留士喪禮曰馬纓三就以前革為之

三就 三重三匝也鄭玄曰纓今馬鞅玉路之樊及纓皆以五采罽飾之十二就就成也杜預曰纓在馬脅前如索帶乘輿馬賦注曰繁纓飾以旄尾金塗

十二 建太常十有二旒九仞曳地 鄭眾曰太常九旗之畫日月者鄭玄曰七尺為仞天子之旗高

六丈 日月升龍象天明也 崔駰東巡頌曰登天靈夷王以下

周室衰弱諸侯大路秦并天下閱二代之禮或曰

殷瑞山車金根之色 殷人以為大路於是始皇作金根之車殷

飾 漢承秦制御為乘輿所謂孔子乘殷之路者也

乘輿 金根 安車 立車 蔡邕曰五安五立徐廣曰輪

皆朱班重牙 周禮曰牙也者以為固抱也鄭眾

曰轂外復有一轂抱轄其外乃復設轄抱

銅置其中東京賦曰重輪貳轄疏轂飛軻

徐廣曰繆交錯之形也較在箱上說文曰

文虎伏軾 魏都賦注曰軾

馮止 龍首銜軻 左右吉陽皆用鸞鳥雀之衡 徐廣曰置金槩

者也

也

也

文畫輶羽蓋華蚤

徐廣曰翠羽蓋黃裏所謂黃屋車也金華施椽末有二十八枚即蓋弓也東京賦曰樹翠羽之高

蓋薛綜曰樹翠羽為蓋如雲龍矣金作華形莖皆低曲

建大旂十二旒畫日月升龍駕

六馬

東京賦曰六

象鑣鏤錫金鍔方銳插翟尾

獨斷曰金鍔者馬冠

也高廣各五寸上如五華形在馬髦前方銳鐵也廣數寸在馬駿後後有三孔插翟尾其中薛綜曰銳中央兩頭高如山形而貫中翟尾結著之顏延之幼誥曰銳乘輿馬頭上防銳角所以防罔羅

銳以翟尾鐵翮象之也徐廣曰金為馬文髦

朱兼樊纓赤芻易

肯金就十有二左毒縣以羗牛尾為之在左駢馬軛

上大如斗

徐廣曰馬在中曰服在外曰駢駢亦名駢蔡邕曰在最後左駢馬頭上

是為德車五

時車安立亦皆如之各如方色馬亦如之白馬者朱

其髦尾為朱鬣云所御駕六餘皆駕四後從為副

車

古文尚書曰予臨兆民稟乎若朽索之馭六馬逸禮王度記曰天子駕六馬諸侯駕四大夫三士二庶人一周禮四馬為乘毛詩天子至大

夫同駕四士駕二易京氏春秋公羊說皆云天子駕六許慎以為天子駕六諸侯及卿駕四大夫駕三士駕二庶人駕一史記曰秦始皇以水數制乘六馬鄭玄以為天子四馬周禮乘馬有四圉各養一馬也諸侯亦四馬顧命時諸侯皆獻乘黃朱乘亦四馬也今帝者駕六此自漢制與古異耳蔡邕表志曰以文義不著之故俗人多失其名五時副車曰五帝車鸞旗曰鸞翹耕根曰三蓋其此非一也

耕車其飾皆如之有二蓋一曰芝車置輶耒耜之箠

上親耕所乘也

新論桓譚謂揚雄曰君之為黃門郎居殿中數見輿輦玉蚤華芝及鳳皇三蓋之屬皆玄黃五色飾

以金玉翠羽珠絡錦繡茵席者也東京賦曰立戈地夏農輿路木薛綜曰戈甸子戟夏長矛置車上者邪柱之也邪也是謂戈路農輿三蓋所謂耕根車也東耕于藉乘馬無飾故稱木也賀循曰漢儀親耕青衣憤東京賦說親耕亦云鸞路蒼龍賀循曰車必有鸞而春獨鸞路者鸞鳳類而色青故以名春路也賦又曰介御閒以剡耜薛綜曰耜耒金也廣五寸耒耜耒耜而載之天子車參乘帝在左御在介處右以耒置御之右

戎車其飾皆如之蕃以矛麾金鼓羽析幢翳輶

甲弩之箠

漢制度曰戎立車以征伐周官其矢箠通俗文曰箭箠謂之步義干寶亦曰今謂之步義鄭玄注既夕曰箠車箱也顏

延之幼誥  
云弩矢也

獵車廿二飾皆如之重輜縵輪膠龍繞之一曰闔豬車

親校獵乘之魏文帝改曰闔虎車

太皇太后皇太后法駕皆御金根重翟羽蓋者也如交路帳

裳徐廣曰青交路青帳裳非法駕則乘紫罽駟車字林曰駟車有衣蔽無後轅者謂之

輜也釋名駟屏也四屏蔽婦人乘牛車也有邱白輜無邱曰駟傅子曰周曰輜車即輦也雲櫺文畫駟黃金

塗五末徐廣曰未詳疑謂前一轅及衡端轂頭也蓋蚤左右駢駕三馬

長公主赤罽駟車

大貴人貴人公主王妃封君油畫駟車大貴人加

節畫駟皆右駢而已皇太子皇子皆安車朱班輪

青蓋金華蚤黑櫺文畫輜文駟金塗五末皇子為

王錫以乘之故曰王青蓋車徐廣曰旂旗九旒畫降龍魏武帝問東平王有金路何意為是

特賜非侍中鄭稱對曰天子五路金以封同姓諸侯得乘金路與天子同此自得非特賜也

皇孫綠車以從皆左右駢駕三獨斷曰綠車名曰皇孫車天子有孫乘之公列

侯安車朱班輪倚鹿較伏熊軾阜繒蓋黑輜右駢車有

輜者謂之軒

中二千石二千石皆皂蓋朱兩輜其千石六百石朱

左輜輜長六尺下屈廣八寸上業廣尺二寸九文十

二初後謙一寸若月初生示不敢自滿也案本傳舊典傳車驂駕乘

赤帷裳唯郭賀為冀州敕去檐帷謝承書曰孔恂字巨卿新塗人州別駕從事車前舊有屏星如刺史車曲翳儀式是時刺史行部發去日晏刺史

怒欲去別駕車屏星恂諫曰明使君傳車自發晚而欲撤去屏星毀國舊儀此不可行別駕可去屏星不可省即投傳去刺史追辭謝請不肯還於是遂不去屏星說文曰車當謂之屏星

景帝中元五年始詔六百石以上施車轡

得銅五末輓有吉陽甬中二千石以上右駢三百石

以上阜布蓋千石以上阜繒覆蓋二百石以下白布

蓋皆有四維杠衣賈人不得乘馬車除吏赤畫杠其

餘皆青云古今注曰武帝天漢四年令諸侯王大國朱輪特虎居前左兕右麋小國朱輪畫特熊居前寢麋居左右御車也者

公列侯中二千石二千石夫人會朝若蠶各乘其夫

之安車右駢加交路帷裳皆阜非公會不得乘朝車

得乘漆布輜駟車銅五末

乘輿大駕公卿奉引太僕御大將軍參乘屬車八十

一乘薛綜曰屬之言相連屬也皆在後為三行備千乘萬騎四都行祠天郊甘泉

備之官有其注名曰甘泉鹵簿蔡邕表志曰國家舊章而幽僻藏蔽莫之得見東

都唯大行乃大駕大駕太僕校駕法駕黃門令校駕

乘輿法駕八御不在鹵簿中河南尹執金吾雒陽

令奉引奉車郎御侍中參乘屬車四十六乘前驅

有九旂雲罕徐廣曰旂車有九乘前史不記形也武王克紂自夫荷罕旗以先驅東京賦曰雲罕九旂薛綜曰旂旗名

鳳凰闕戟薛綜曰闕之言函也取四戟函車邊皮軒鸞旗應劭漢官鹵簿圖曰乘輿大駕則御鳳凰車以金根

為列皆太大載胡廣曰皮軒以虎皮為軒郭璞曰皮軒革車或曰即曲禮前有士師則載虎皮鸞旗者編

羽旄列繫幢旁胡廣曰建蓋在中民或謂之雞翹非也胡廣曰鸞旗以銅作鸞鳥

車衡上與後有金鉦黃鉞說文曰鉞大斧也司馬法曰夏黃門鼓

車古去諸侯貳車九乘秦滅九國兼其車服故大

駕屬車八十一乘法駕半之屬車皆皂蓋赤裏木

輻戈矛弩箛尚書御史所載最後一車懸豹尾薛綜曰侍

御史豹尾以前比省中小學漢官篇曰豹尾過後罷屯解圍胡廣

屯圍乃得解皆所以戒不虞也淮南子曰軍正執豹皮所以制止其衆禮記前載虎皮亦此之義類行祠天郊以法

駕祠地明堂省什三祠宗廟尤省謂之小駕每出

太僕奉駕上鹵簿中常侍小黃門副尚書主者郎

令史副侍御史蘭臺令史副皆執注以督整車騎

謂之護駕春秋上陵尤省於小駕直事尚書一人

從其餘令以下皆先行後罷

輕車古之戰車也洞朱輪輿不巾不蓋建矛戟幢

麾輶輒弩箛徐廣曰置弩於軾上駕兩馬也藏在武庫大駕法駕出

射聲校尉司馬史士載以次屬車在鹵簿中諸車

有矛戟其飾幡旂幟皆五采制度從周禮吳孫

兵法云有巾有益謂之武剛車武剛車者為先驅

又為屬車輕車為後殿焉

大使車立乘駕駟赤帷持節者重導從賊曹車斧

車督車功曹車皆兩大車任百璪弩十二人辟車

四人周禮滌狼氏干寶注曰今卒辟車之屬從車四乘無節單導從減半



小使車不立乘有駢赤屏泥油重絳帷導無斧車  
近小使車蘭輿赤轂白蓋赤帷從騶騎四十人此謂  
追捕考案有所勅取者之所乘也諸使車皆朱班  
輪四輻赤衡軛其送葬白堊已下灑車而後還公卿  
中二千石二千石郊廟明堂祠陵法出皆大車立乘  
駕駟他出乘安車

大行載車其飾如金根車加施組連壁交絡四角  
金龍首銜璧垂五采析羽流蘇前後雲氣畫帷裳  
檟文畫曲輻長縣車等太僕御駕六布施馬布施  
馬者淳白駱馬也以黑藥灼其身爲虎文旣下馬斥

賣車藏城北祕宮皆不得入城門當用太僕考工  
乃內飾治禮吉凶不相干也

公卿以下至縣二百石長導從置門下五吏賊曹  
督盜賊功曹皆帶劔二車從導主簿主記兩車爲  
從縣令以上加導守斧車公乘安車則前後并馬立  
乘長安雒陽令及王國都縣加前後兵車亭長

雒陽亭長  
車前吹管

設右駢駕兩瓌弩車前伍伯公八人中二千

石二千石六百石皆四人自四百石以下至二百石皆二  
人黃綬武官伍百文官辟車軫下侍閤門闡部署  
街里走卒皆有程品多少隨所典領

驛馬三十里一置

臣昭案東晉猶有郵驛共置承受傍郡縣文書有郵有驛行傳以相付縣置屋二區有承

驛吏比自依所受書每月言上州郡風俗通曰今吏郵書掾府督郵職掌此

卒皆赤幘絳鞵云古者

軍出師旅皆從秦省其卒取其師旅之名焉公以

下至二千石騎吏四人千石以下至三百石縣長二人

皆帶劔持棨戟為前列捷弓韜九韃

通俗文曰弓韃謂之韃

諸侯

王法駕官屬傅相以下皆備鹵簿似京都官騎張

弓帶鞬遮迺出入稱課促列侯家丞庶子導從若

會耕祠主縣假給辟車鮮明卒備其威儀導從事

畢皆罷所假諸車之文乘輿倚龍伏虎楨文畫輶

龍首鸞衡重牙斑輪升龍飛軫

薛綜曰飛軫以緹沙廣八寸長六地畫左蒼龍右白

虎繫繫軸頭二千石亦然但無畫耳盧植禮記注曰軫軾頭也楚辭云倚結軫兮長太息王逸注曰重軾也李尤小車銘曰軾之兼陸疏達開通

案二家之言不如綜注所記

皇太子諸侯王倚虎伏鹿楨文畫輶輶吉陽甬朱

斑輪鹿文飛軾旂旗九旒降龍公列侯倚鹿伏熊

黑輶朱斑輪鹿文飛軾九旒降龍卿朱兩輪五旒

降龍二千石以下各從科品諸輶車以上輶皆有

吉陽甬諸馬之文案乘輿金鈹方鈇插翟象鑣爾

注曰鑣馬勒旁鐵也此用象牙且以為鑣飾

詩云朱幘鑣鑣毛傳曰人君以朱纏鑣扇汗

青兩掖鸞尾附馬左右赤珥流蘇飛鳥節赤

膺兼皇太子亦如之王公列侯鏤錫义髦朱鑣朱

鹿朱文絳扇汗青鞞鷲尾卿以下有駢者緹扇汗青鞞尾當盧義髦上下皆通中二千石以上及使者乃有駢駕云

輿服志上第二十九

後漢志二十九

輿服志下第三十

後漢書三十

冕冠	長冠	委貌冠	皮弁冠	爵弁冠	通天冠
遠游冠	高山冠	進賢冠	法冠	武冠	建華冠
方山冠	巧士冠	却非冠	却敵冠	樊噲冠	
術士冠	鷩冠	幘	刀	印	黃赤綬
赤綬	綠綬	紫綬	青綬	黑綬	
黃綬	青紺綸	后夫人服			

梁劉昭注補

上古穴居而野處衣毛而冒皮未有制度後世聖人易之以絲麻觀翬翟之文榮華之色乃染帛以效之始作五采成以為服見鳥獸有冠角頰胡之制遂作冠冕纓黻以為首飾凡十二章故易曰庖犧氏之王天下也仰觀象於天俯觀法於地觀鳥

獸之文與地之宜近取諸身遠取諸物於是始作八卦以通神明之德以類萬物之情黃帝堯舜垂衣裳而天下治蓋取諸乾以乾以有文故上衣玄下裳

黃日月星辰山龍華蟲孔安國注尚書曰華象州華蟲雉也作績宗彝古文

尚書績作會孔安國曰以五采成此藻火粉米孔安國曰藻水草有文者火為火字粉

若粟米米黼黻絺繡孔安國曰黼若斧形黻為兩己相背葛之精者曰絺五色備曰繡杜預注左傳曰白與黑謂

之黼黑與青謂之黻以五采章施于五色作服孔安國曰以五采明施于五色作尊卑之服天子備章鄭玄周禮注曰此古天子冕服十二章公自山以下侯伯自華蟲以

下子男自藻火以下卿大夫自粉米以下至周而變

之以三辰為旂旗王祭上帝則大裘而冕鄭玄曰大裘羔裘服

以祀天示質也公侯卿大夫之服用九章以下鄭玄曰華蟲五色之蟲周禮績人職

曰鳥獸地雜四時五色之位以章之謂是也王者相變至周而以日月星辰畫於旂旗所謂三辰旂旗昭其明也而冕服九章初一曰龍次二曰山次

三曰華蟲次四曰火次五曰宗彝皆畫以為績次六曰藻次七曰粉米次八曰黼次九曰黻皆絺以為繡則衣之衣五章裳四章凡九也鷩畫以雉謂

華蟲也其衣三章裳四章凡七也毳畫虎尻雉謂宗彝也其衣三章裳二章凡五也絺刺粉米無畫也其衣一章裳二章凡三章也法言曰聖人文質備

也車服以章之藻色以明之聲音以揚之詩書以光之籩豆不陳玉帛不分琴瑟不鏗鐘鼓不鏘吾無以見乎聖也秦以戰國

即天子位滅去禮樂郊祀之服皆以衺玄漢承秦故

至世祖踐祚都於土中始修三雍正兆七郊顯宗遂

就大業初服旒冕衣裳文章赤舄絢屨以祠天地

養三老五更於三雍於時致治平矣天子三公九

卿特進侯侍祠侯祀天地明堂皆冠旒冕衣裳玄

上纁下

東觀書曰永平二年正月公卿議春南北郊東平王蒼議曰孔子曰行夏之時乘殷之輅服周之冕為漢制法高皇帝始

受命創業制長冠以入宗廟光武受命中興建明堂立辟雍陛下以聖明奉導以禮服龍衮祭五帝禮缺樂崩久無祭天地冕服之制按尊事神祇

潔齋盛服敬之至也日月星辰山龍華藻天王衮冕十有二旒以則天數旂有龍章日月以備其文今祭明堂宗廟圓以法天方以則地服以華文

象其物宜以降神明肅雍備思博其類也天地之禮冕冠裳衣宜如明堂之制乘輿備文日月星辰十

二章三公諸侯用山龍九章九卿以下用華蟲七章

皆備五采大佩赤舄絢履以承大祭百官執事者

冠長冠皆祗服五嶽四瀆山川宗廟社稷諸沾秩祠

皆衽玄長冠五郊各如方色云百官不執事各服

常冠衽玄以從

冕冠垂旒前後邃延

邃垂也延冕上覆

玉藻

周禮曰五采繅一有二玉就皆五采玉十有二玉

笄朱紘鄭玄注曰繅雜文之名也合五采絲為之繩垂於延之前後各十二所謂邃延也就成也繩之每一匝而貫五采玉十有二旒則十二玉也每就間蓋一寸朱紘以朱組為紘也紘一條屬兩端於武此為衮衣之冕十一旒則用玉二百八十八鷩衣之冕繅九旒用玉二百一十六毳衣之冕七旒用玉百六十八絺衣之冕五旒用玉百二十玄衣之冕三旒用玉七十二孝明皇帝永平二年初詔

有司采周官禮記尚書臯陶篇乘輿服從歐陽

氏說公卿以下從大小夏侯氏說冕皆廣七寸長

尺二寸前圓後方朱綠裏玄上前垂四寸後垂三

寸係白玉珠為十二旒以其綬采色為組纓說文曰組纓屬

也小者以為冕纓焉禮記曰玄冠朱組纓天子之服是也三公諸侯七旒青玉為珠卿大

夫五旒黑玉為珠獨斷曰三公諸侯九旒與此不同皆有前無後各

以其綬采色為組纓旁垂黻纁呂忱曰黻黃色也黃絲為之禮緯曰旒垂目纁塞耳

王者示不聽讒不視非也薛綜曰以珩玉為充耳也詩曰充耳郊天地

宗祀明堂則冠之蔡邕曰鄙人不識謂之平天冠衣裳玉珮備章采乘

輿刺史公侯九卿以下皆纒成陳留襄邑獻之云

長冠一曰齋冠高七寸廣三寸促漆纒為之制如

板以竹為裏初高祖微時以竹皮為之謂之劉氏冠

楚冠制也民謂之鵲尾冠非也祀宗廟諸祀則冠

之皆服衲玄獨斷曰衲紺繒也吳都賦曰衲阜服也絳緣領袖為中衣絳綉

紩示其赤心奉神也五郊衣幘綉紩各如其色此

冠高祖所造故以為祭服尊敬之至也

委貌冠皮弁冠同制長七寸高四寸制如覆杯前

高廣後卑銳所謂夏之母追殷之章甫也委貌

以阜絹為之皮弁以鹿皮為之行大射禮於辟雍

公卿諸侯大夫行禮者冠委貌衣玄端素裳鄭眾周禮傳曰

衣有襦裳者為端鄭玄曰謂之端取其正也正者士之衣袂皆二尺二寸而屬幅是廣裳等也其祛尺二寸大夫以上侈之侈之者蓋半而益一焉

其而益一則其袂三尺三寸祛尺八寸執事者冠皮弁衣緇麻衣阜領袖

下素裳所謂皮弁素積者也皮弁質也石渠論玄冠朝服戴聖曰玄冠委貌也朝服

布上素下緇帛帶素韋鞞白虎通曰三王共皮弁素積素積者積素以為裳也言要中辟積也

爵弁一名冕廣八寸長尺二寸如爵形前小後大繒

其上似爵頭色有收持筭所謂夏收殷尋者也

獨斷曰殷黑而微白前大而後小夏純黑亦前小而後大皆以三十六升漆布為之詩云常服黼冔書曰王與大夫盡弁上古皆以布中古以絲孔

子曰麻冕禮也今也純儉

祠天地五郊明堂雲翹舞樂人服之禮

曰朱干玉鉞

鄭玄曰朱干赤大盾也鉞斧也

冕而舞大夏此之謂也

通天冠高九寸正豎頂少邪却乃直下為鐵卷梁

前有山展筓為述乘輿所常服

獨斷曰漢受之秦禮無文

服衣深衣

制有袍隨時五色袍者或曰周公抱成王宴居故

施袍禮記孔子衣縫掖之衣縫掖其袖合而縫大

之近今袍者也今下至賤更小史皆通制袍單衣卓

緣領袖中衣為朝服云

遠遊冠制如通天有展筓橫之於前無山述諸王

所服也

獨斷曰禮無文

高山冠一曰側注制如通天不邪却直豎無山述

展筓

獨斷曰鐵為卷梁高九寸漢書音義曰其體側立而曲注

中外官謁者僕射所服

太傅胡廣說曰高山冠蓋齊王冠也秦滅齊以其

君冠賜近臣謁者服之

史記酈生初見高祖儒衣而冠側注漢舊儀曰乘輿冠高山冠飛月之纓幘

紕赤丹紕裏衣帶七尺斬地劔履虎尾絢履案此則亦通于天子

進賢冠古緇布冠也文儒者之服也前高七寸後

高三寸長八寸公侯三梁

胡廣曰車駕巡狩幸其國諸侯衣玄端之衣冠九旒之冕其盛法服以就

位也今列侯自不奉朝請侍祠祭者不得服此皆當二梁冠卓單衣其歸國流黃衣卓云晉公卿禮秩曰太傅曰司空司徒著進賢二梁冠黑介幘

中二千石以下至博士兩梁自博士以下至小史私

學弟子皆一梁宗室劉氏亦兩梁冠示加服也

獨斷曰漢制禮

無文荀綽晉百官表注曰建光中尚書陳忠以為令史質堪上言太官宜著兩梁尚書孟希奏太官職在鼎俎不列陞位堪欲令此大夫兩梁冠不宜許臣伏惟太官令職在典掌王養食統六清之飲列八珍之饌正百品之羞納四刀之貢所奉尤重用思又勤門診慎口實之御防有敗之姦增崇其選侍御史主捕案太醫令奉方藥供養符節令掌幡信金虎故位從大夫車有鞞沂冠有兩梁所以殊親疎別內外也太官令以供養言之為最親近以職事言之為最煩多令又高選又執法比太醫令科同服等而冠二人殊名實不副又博士秩卑以其傳先王之訓故尊而異之令服大夫之冕猶此言之兩梁冠非必列於陞位也建初中太官令兩梁冠春秋之義大於復古如堪言合典可施行克厭帝心即聽用之獻帝起居注曰中平六年令三府長史兩梁冠五時衣

法冠一曰柱後獨斷曰柱後惠文高五寸以纒為展笄前書注曰纒今之繼

鐵柱卷荀綽晉百官表注曰鐵柱言其厲直不曲撓執法者服之侍御史廷尉

正監平也或謂之獬豸冠獬豸神羊能別曲直楚

王嘗獲之故以為冠異物志曰東北荒中有獸名獬豸一角性忠見人鬪則觸不直者聞人論則咋不正

者楚執法者所服也今冠兩角非豸也臣昭曰或謂獬豸乃非定名在兩角未足斷正安不存其豎飾令兩為冠乎胡廣說曰春秋左氏傳有南冠而縶者則楚冠也秦滅楚以其君服賜執法近臣御史服之

武冠一云古緇布冠之一象也或曰繁冠一曰武弁大冠諸武官冠之晉公卿禮秩曰

附蟬為文貂尾為飾謂之趙惠文冠又名駿胡廣說

曰趙武靈王效胡服以金璫飾首前插貂尾為貴

職秦滅趙以其君冠賜近臣應劭漢官曰說者以金取堅剛百鍊不耗蟬居高飲潔口在腋

下貂內勁悍而外溫潤此因物生義也公庶曰趙武靈王胡服有此秦即趙而用之說者蟬取其清高飲露而不食貂紫蔚采潤而毛采不

彰灼故於義亦取胡廣又曰意謂北方寒涼

本以貂皮煖額附施於冠因遂變成首飾

建武時匈奴內屬

建武時匈奴內屬



世祖賜南單于衣服以中常侍惠文冠中黃門童子佩刀云

建華冠以鐵為柱卷貫大銅珠九枚制似縷鹿獨斷曰其

狀若婦人縷鹿薛綜曰下輪大上輪小記曰知天者冠述知地者履絢春

秋左傳曰鄭子臧好鷓冠前圓以為此則是也說文曰鷓

知天將兩鳥也天地五郊明堂育命舞樂人服之

方山冠似進賢以五采縠為之祠宗廟大雩八佾

四時五行樂人服之冠衣各如其行方之色而舞

焉

巧士冠高七寸要後相通直豎不常服唯郊天黃

門從官四人冠之在鹵簿中次乘輿車前以備官

者四星云獨斷曰禮無文

卻非冠制似長冠下促宮殿門吏僕射冠之負赤

幡青翅燕尾諸僕射幡皆如之獨斷曰禮無文

却敵冠前高四寸通長四寸後高三寸制似進賢

衛士服之獨斷曰禮無文

樊噲冠漢將樊噲造次所冠以入項羽軍廣九寸高

七寸前後出各四寸制似冕司馬殿門大難衛士服

之或曰樊噲常持鐵楯聞項羽有意殺漢王噲裂

裳以裹楯冠之入軍門立漢王旁視項羽

術氏冠前圓吳制差池遷迤四重趙武靈王好服

之今不施用官有其圖注淮南子曰楚莊王所復雙

諸冠皆有纓蕤執事及武吏皆縮纓垂五寸

武冠俗謂之大冠環纓無蕤以青系為緄加雙鶡

尾豎左右為鶡冠莊子云纓胡之纓五官左右虎賁羽

沐五中郎將羽林左右監皆冠鶡冠紗縠單衣虎賁

將虎文綉白虎文劔佩刀虎賁武騎皆鶡冠虎文

單衣襄邑歲獻織成虎文云鶡者勇雉也其鬪對

一死乃止故趙武靈王以表武士秦施之焉徐廣曰鶡

于上黨荀綽晉百官表注曰冠插兩鶡鷩鳥之暴疏者也每所

攫撮應爪催劔天子武騎故以冠一鳥傳玄賦注曰羽騎者戴鶡

安帝立皇太子太子謁高祖廟世祖廟門大夫從

冠兩梁進賢洗馬冠高山罷廟侍御史任方奏請

非乘從時皆冠一梁不宜以為常服事下有司尚

書陳忠奏門大夫職如諫大夫洗馬職如謁者故

皆服其服先帝之舊也方言可寢奏可謁者古者

一名洗馬古今注曰建武十二年初令長比皆小冠獨斷曰公卿侍

臣為朝

古者有冠無幘其戴也如首有頰所以安物故詩曰

有頰者弁此之謂也三代之世法制滋彰下至戰國

文武竝用秦雄諸侯乃加其武將首飾為絳袖以

表貴賤其後稍稍作顏題漢興續其顏却擦之施  
巾連題却覆之今喪幘是其制也名之曰幘幘者  
躋也頭首嚴躋也至孝文乃高顏題續之為耳崇  
其中為屋合後施收上下羣臣貴賤皆服之文者  
長耳武者短耳稱其冠也尚書躋收方三寸名曰  
納言示以忠正顯近職也迎氣五郊各如其色從章  
服也皁衣羣吏春服青幘立夏乃止助微順氣尊  
其方也武吏常赤幘成其威也未冠童子幘無屋  
者示未成人也入學小童幘也句卷屋者示尚幼少  
未遠冒也喪幘却擦反本禮也升數如冠與冠偕

也期喪起耳有收素幘亦如之禮輕重有制變除  
從漸文也獨斷曰幘古者卑賤執事不冠者之所服也董仲舒止雨

不欲使人見於進幘服之羣臣皆隨焉然尚無巾故言王莽禿幘施屋冠  
進賢者宜長耳冠惠文者宜短耳各隨其宜漢舊儀曰凡齋紺幘耕青  
幘秋緇劉  
服細幘

古者君臣佩玉尊卑有度上下有韍徐廣曰韍  
如中蔽膝貴賤

有殊佩所以章德服之衷也韍所以執事禮之共也

故禮有其度威儀之制三代同之五伯迭興戰兵不

息佩非戰器韍非兵旗於是解去韍佩留其係璲

徐廣曰今  
名璲為緹以為章表故詩曰韞韞佩璲此之謂也韞韞  
佩玉

貌璲瑞也鄭玄箋曰佩璲者  
以瑞玉為佩佩之韞韞然韍佩既廢秦乃以采組連結

於璫光明章表轉相結受故謂之綬漢承秦制用而弗改故加之以雙印佩刀之飾至孝明皇帝乃為

大佩衝牙雙瑠璫皆以白玉詩云雜佩以贈之毛萇曰珩璫瑠璫衝牙之類月令章句曰佩

上有雙衝下有雙瑠璫瑠以雜之衝牙瑠珠以納其間玉藻曰右徵角左宮羽進則揖之退則揚之然後玉瑠鳴焉纂要曰瑠璫所以納閒在玉之間今

也乘輿落以白珠公卿諸侯以采絲其視冕旒為

祭服云

佩刀乘輿黃金通身貂錯半鮫魚鱗金漆錯雌黃

室五色罽隱室華諸侯王黃金錯環挾半鮫黑室

公卿百官皆純黑不半鮫小黃門雌黃室中黃門

朱室童子皆虎爪文虎黃室虎文其將白虎

文皆以白珠鮫為鏢口之飾通俗文曰刀鋒曰鏢乘輿者加翡翠

山紆嬰其側左傳曰藻綵鞞鞞杜預曰鞞佩刀削上飾鞞下飾也鄭玄詩箋曰既爵命賞賜而加賜容刀有飾顯其能制斷也

春秋繁露曰劍之在左青龍之象也刀之在右白虎之象也韋之在前朱鳥之象也冠之在首玄武之象也四者人之盛飾也臣昭案自天子至於庶

人咸皆帶劍劍之與刀形制不同名稱各異故蕭何劍履上殿不稱為刀而此志言不及劍如為未備

佩雙印長寸二分方六分乘輿諸侯王公列侯以白

玉中二千石以下至四百石皆以黑犀二百石以至私

學弟子皆以象牙上合絲乘輿以縢貫白珠赤罽

韃諸侯王以下以絢赤絲韃縢縹各如其印質刻

書文曰正月剛卯既決靈及四方赤青白黃四色

是當帝令祝融以教夔龍庶疫剛痺莫我敢當疾

日嚴卯帝令夔化慎爾周伏化茲靈及既正既直  
既觚既方度疫剛瘴莫我敢當凡六十六字

前書注云以正

月卯日作

乘輿黃赤綬四采黃赤紺縹淳黃圭長丈九尺九

寸五百首

漢舊儀曰璽皆白玉螭虎紐文曰皇帝行璽皇帝之璽皇帝信璽天子行璽天子之璽天子信璽凡六爾書帝行

璽凡封之璽賜諸侯王書信璽發兵徵大臣天子行璽策拜外國事天  
池鬼神璽皆以武都紫泥封青囊白素裏兩端無縫尺一板中約署皇帝  
帶綬黃地六采不佩璽璽以金銀縢組侍中組負以從秦以前民皆佩綬金  
玉銀銅犀象為方寸璽各服所好奉璽書使者乘馳傳其驛騎也三騎  
行書夜千里為程吳書曰漢室之亂天子北詣河上六璽不自隨掌璽者  
投井中孫堅北討董卓頓軍城南官署有井每旦有五色氣從井出堅使  
人浚得傳國璽其文曰受命于天既壽永昌方圍四寸上有紐文盤五  
龍增七寸管龍上一角缺獻帝起居注曰時六璽不自隨及還于閣上得  
晉陽秋曰井闕大將軍蔣幹以傳國璽付河南尹戴施施獻之百餘皆賀  
璽光照洞徹上蟠螭文隱起書曰昊天上帝壽昌秦舊璽也徐廣

曰傳國璽文曰受天之命皇帝壽昌

諸侯王赤綬

徐廣曰太子及諸王金印龜紐纁朱綬

四采赤黃縹紺淳赤圭

長二丈一尺二百首

荀綽晉百官表注曰皇太子朱綬三百二十首

太皇太后皇太后其綬皆與乘輿同皇后亦如之

長公主天子貴人與諸侯王同綬者加特也

諸國貴人相國皆綠綬二采綠紫紺淳綠圭長二

丈一尺二百四十首

前書曰相國丞相皆秦官金印紫綬高帝相國綠綬徐廣曰金印綠綬綬音辰州名也以

染似綠又云似紫紫綬名緇緇音瓜其色青紫綬字亦藍音同也傳寫者誤作繫公加殊禮皆服之何承天緇音嫡青紫色綬綬紫色也

公侯將軍紫綬二采紫白淳紫圭長丈七尺百八

十首

前書曰太尉金印紫綬御史大夫位上卿銀印青綬成帝更名大司空金印紫綬將軍亦金印漢官儀曰馬防為車騎將軍銀

印青綬在卿上絕席和帝以實憲為車騎將軍始加金印次司空

公主封君服紫綬

九卿中二千石二千石青綬三采青白紅淳青圭長

丈七尺百二十首

一號青綬

自青綬以上緹皆長三尺二

寸與綬同采而首半之緹者古佩璲也佩綬相迎受

故曰緹紫綬以上緹綬之間得施玉環鐻云

通俗文曰缺環曰鐻漢舊

儀曰其斷獄也印為章也

千石六百石黑綬三采青赤紺淳青圭長丈六尺八

十首四百石三百石長同

漢官曰尚書僕射銅印青綬

四百石三百石二百石黃綬淳黃圭一采長丈五尺

六十首自黑綬以下緹綬皆長三尺與綬同采而

首半之

百石青紺綸一采宛轉繆織長丈二尺

丁孚漢儀載太僕太中大夫襄言乘

輿綬黃地冒白羽青絳綠五采四百首長二丈三尺詔所下王綬冒亦五采上下無差諸王綬四采絳地冒白羽青黃去綠二百六十首長一丈二尺公主綬如王侯絳地紺纁三采百二十首長丈八尺二千石綬羽青地桃華纁三采百二十首長丈八尺黑綬羽青地絳二采八十首長一丈七尺黃綬一采八十首長一丈七尺以為常式民織綬不如式沒入官犯者為不敬二千石以上綬禁民無得織以粉組皇太后詔可王綬如所下

凡先合單紡為一系四系為一扶五扶為一首五首為

一文文采淳為一圭首多者系細少者系麤比皆廣

尺六寸

東觀書曰建武元年復設諸侯王金璽綬綬公侯金印紫綬九

軍郡太守國傅相皆秩二千石校尉中郎將諸郡都尉諸國行相中尉內史中護軍司直秩皆二千石以上皆銀印青綬中外官尚書令御史中丞治書侍御史公將軍長史中二千石丞正平諸司馬中宮王家僕雜陽令秩皆千石尚書中謁者黃門冗從四僕射諸都監中外諸都官令都

侯司農部丞郡國長史丞侯司馬千人秩皆六百石家令侍僕秩皆六百石雒陽市長秩四百石主家長秩皆四百石以上皆銅印黑綬諸署長  
楫權丞秩三百石諸秩千石者其丞尉皆秩四百石秩六百石者丞尉秩  
三百石四百石者其丞尉秩二百石縣四丞尉亦如之縣國三百石長丞  
尉亦二百石明堂靈臺丞諸陵校長秩二百石丞尉校長以上皆銅印黃  
綬縣國守宮令相或千石或六百石長相或四百石或三百石長相皆以  
銅印黃綬而有秩者侍中中常侍光祿大夫秩皆二千石太中大夫秩皆  
比二千石尚書諫議大夫侍御史博士皆六百石議郎中謁者秩皆比六  
百石小黃門黃門侍郎中黃門秩皆比四百  
石郎中秩皆比三百石太子舍人秩二百石

太皇太后皇太后入廟服紺上阜下蠶青上纁下  
皆深衣制徐廣曰即單衣隱領袖緣以條剪羗國簪珥耳璫  
垂珠簪以璫瑁為擗長一尺端為華勝上為鳳凰爵  
以翡翠為毛羽下有白珠垂黃金鑷左右一橫簪  
之以安國結諸簪珥皆同制其擗有等級焉

皇后謁廟服紺上阜下蠶青上纁下皆深衣制隱  
領袖緣以條假結步搖簪珥步搖以黃金為山題  
貫白珠為桂枝相繆一爵九華熊虎赤罷天鹿辟  
邪南山豐大特六獸詩所謂副笄六珈者毛詩傳曰副者后夫人之  
羊飾編髮為之笄衡笄也珈笄飾之最盛者所以別尊卑鄭玄曰珈之言加也副既笄而加飾如今步搖上飾古之制所未聞諸爵

獸皆翡翠為毛羽金題白珠璫繞以翡翠為華云

貴人助蠶服純纁上下深衣制大手結墨璫瑁又

加簪珥

長公主見會衣服加步搖公主大手結皆有簪珥

衣服同制

自公主封君以上皆帶綬以采組為緄帶各如其綬色黃金辟邪首為帶鐫飾以白珠

公卿列侯中二千石二千石夫人紺繒國黃金龍首  
銜白珠魚須擗長一尺為簪珥入廟佐祭者皂絹  
上下助蠶者縹絹上下皆深衣制緣自二千石夫人  
以上至皇后皆以蠶衣為朝服公主貴人妃以上  
嫁娶得服錦綺羅縠繒采十二色重綠袍特進列  
侯以上錦繒采十二色六百石以上重練采九色禁  
丹紫紺三百石以上五色采青絳黃紅綠二百石  
以上四采青黃紅綠賈人緇縹而已

博物志曰交州南有蟲長減一寸形似白

英不知其名視之無色在陰地多緇色則赤黃之色也

公列侯以下皆單絲襪制文繡

為祭服自皇后以下皆不得服諸古麗圭襖閨緣加

上之服

司馬相如大人賦曰重旬始以為縹注云葆下旒也則縹之容如旒旒也

建武永平禁絕之

建初永元又復中重於是世莫能有制其裁者乃

遂絕矣

蔡邕表志曰永平初詔書下車服制度中宮皇太子親服重繒原練浣已復御率下以儉化起畿甸諸侯王以下至于

士庶嫁娶被服各有秩品當傳萬世揚光聖德臣以為宜集舊事儀注本奏以成志也

凡冠衣諸服旒冕長冠委貌皮弁爵弁建華方山  
巧士衣裳文繡赤舄服紉履大佩皆為祭服其餘  
悉為常用朝服唯長冠諸王國謁者以為常朝服  
云宗廟以下祠祀皆冠長冠皂繒袍單衣絳緣領



袖中衣絳綺練五郊各從其色焉  
贊曰車輅各庸旌旂異局冠服致美佩紛璽工敬  
敬報情尊尊下欲孰夸華文匪豪麗綉

輿服志下第三十



後漢書三十

辛巳余借收前宋本繕寫凡三周而未及列傳後  
其本為四明謝象三携去遂不克全迄今幾十年矣  
偶翻閱舊快因為誌其始末若此後之觀者慎弗  
視為殘編斷簡而諒念之苦心也已不佞是望日毛子晉記



右影宋槧鈔本前後漢書二十秩前漢本紀十二卷表八卷志十卷列傳七十卷合百卷今本作百二十卷漢班孟堅撰八表十志未竟而卒其妹昭續成之後漢本紀十卷列傳八十卷宋范蔚宗撰八志三十卷乃漢末司馬紹統之作後人取以附合之併為百二十卷是卷為明毛子晉從宋槧本影寫格式大小一如其舊而字體道勁筆畫斬然與精槧無別但有紀志而無列傳蓋當時假鈔匪易未克錄完卷末有子晉跋尾可按而知也然史家最重志表志以紀一代典章制度表以著職官譜系之源委與紀傳相為表裏矧漢志近古其沿革損益猶可考見三代之遺法故鄭康成于寶諸儒每引以註經實有可輔經而行尤在所不可闕者矣相傳史漢宋槧者天祿石渠未聞著錄蓋在前明秘閣所存外間既不得而窺剝蝕斷爛在所難免民間間有舊本

多歸雲山錢氏自絳雲一炬盡化雲烟矣此本亦自錢氏寫出足稱連城無價  
豈得云趙璧未完耶乾隆己丑庚寅之間先大夫偶於書肆行慶堂韋甲  
見之索價甚昂力不能購輾轉不捨於懷遲日徃視則已售矣先大夫詫曰  
是特殘本耳何期有人鑒別及此詢其人則一外吏也詢其直則三百金也因  
咄嗟久之以為風塵中尚有斯人哉歲甲午先叔父文正公自山西布政使改  
官學士還朝一日行篋中檢得是編以獨少列傳為憾先大夫聞之曰得無毛  
氏影宋槧者耶曰然何以知之乃告其故因問徃日買書者誰為蓋太原守某卓  
異來都方念舉主不名一錢歸而無以為贄聞是書曾見賞於先大夫知必投  
合故不暇論價攜之而去且逆知書籍非苞苴比必無嫌也文正公言訖既而大笑  
曰吾墮其術矣今願為兄壽物聚所好不更養吾廉乎計藏於余家五十載於茲

回憶曩昔趨庭側聽歷歷在耳爰識於是亦一時佳話後之覽者體此一段因緣宜  
為是書增價十倍矣

道光三年癸未春三月既望大興朱錫庚謹識





汲古閣影寫漢書舊藏大典朱孝廉錫康家見桂未  
 谷札樸孝廉跋其卷尾敘得書始末甚詳朱氏衰落瓊鬻此  
 書於市上索直甚昂予以其為汲古舊物且曾屬笥河石君  
 兩先生當為是書增重昔支硎山人跋廣雅云錢物可得書不可得  
 雖費當弗校予深聽其言乃糜白金五鎰易之致毛子晉跋稱是書寫  
 於辛巳蓋明崇禎之十四年跋於己丑則我朝順治六年也朱跋所稱  
 己丑庚寅為乾隆三十四五年按朱文正公年謚曰乾隆三十四年遼山西  
 布政使三十九年按察使黃檢奏公終日讀書於地方事無整頓明年入  
 都授侍講學士由今上溯距朱氏得書之始已七十餘年<sup>上</sup>距寫書之日且  
 二百餘年而仍歸吾邑若有神物護持之者吾子孫其世寶之道  
 先二十有四年歲在甲辰二月廿二日常熟翁同書跋

咸豐九年六月朔  
 曾源謹書

木齋師題時惟見首冊故謂無圖記為可疑蓋未知有毛晉手跋也克文注

此景字寫本兩漢書惟關列傳徑藏大興宋氏常熟

翁氏筆墨精妙字畫斬方真印鈔之極工者相傳出自

汲古閣但無毛氏圖記為可疑自然開卷標題師古法術

行款字數皆與景祐本及福唐本為近決非三刻刊


誤以下所能比擬偶檢高紀二年六月置中地郡服虔注中地

一在扶風宋祁曰注文在字改作右此本正作右可為源出景祐本

之一澄矧如此巨帙閱之百餘年完好如新豈非毛氏所謂

在之有神物護持者耶當定為

三琴齋景字本之冠李盛鐸識



洪憲元年一月廿三日杞步翔芬吳興徐鴻寶侍

寒雲主人夜談流水音觀毛鈔漢書為汲古鈔本之冠

並觀宋嘉定槧片五詞注宋建安劉升剛刊春秋左傳

注疏南宋中箱本禮記南宋大字本論語朱注宋坊本

鴻慶尺牘注及黃善夫史記蔡琪漢書宋印本隋

書三殘本因並記之以誌眼福 鴻寶謹書

此書通韻精正如一決非書胥所能為審毛跋語意  
必為毛氏手自繕寫故非其<sup>他</sup>毛鈔所可企及四年前  
傳沅牀即為予述此書之佳且謂展轉求之不可獲  
問所給值已二千金矣今予以三千圓見之予輩之痴  
狂當有以對子晉之苦心也丙辰四月既望寒露



前漢書帝紀十二与志八与後漢書帝紀  
九与后紀一与志三十与汲古閣假絳雲樓所  
諸景祐本影寫即所謂揮淚對宮娥者原本  
自天祿散出已不知所歸矣雖虎賁之与中  
郎亦不過下真跡一等耳予藏毛鈔并此十  
品俱無此之精且巨者况出自北宋復獨此焉  
通體雖無毛氏印記學子晉手跋價益增  
重且可為此書證也此書乃翁氏後人持  
至滬市求估為錢抱器師所見亟馳函  
告予因遣使携金赴滬取未披閱一過頭  
目俱爽時洪憲元年一月六日皇二子



門 汲古 骨

吾

景寫漢書跋

雲生 謂

汲古園影寫漢書  
此書殘本乃吾邑汲古園主人毛子晉傳牧翁宋

本景寫藏大興朱孝廉錫庚亦見桂未谷札樸孝廉

跋其卷尾敘得書始末且得書也其書於康師中

市上索直甚昂予意欲汲古舊物且曾屬 題詞石君

兩先生當為是書增重乃糜白金五鎰購之致好云

跋稱是年官於辛巳歲蓋明崇禎十四年跋於己

丑則我 朝順治六年也 朱跋而稱 己丑庚寅在乾隆三十

四五年一按朱文正公卒年譜以乾隆三十四年

甲按書使 布政使三十九年 按察使黃檢奏

公終日讀書于地方事甚簡頓明年授侍讀學

士由今上開罪朱氏得書之始已七十餘年上距寫

書之日且二百餘年而仍歸吾邑味若神物獲

持之者吾邑其世寶之遺光二十有四年一歲在

甲辰二月廿四日常熟省日香跋

...

...

...

...

...



...

...

...

...

...

